



REPUBLIKA E KOSOVES
QEVERIA

MINISTRIA E PUNËVE TË BRENDSHME

INSPEKTORATI POLICOR I KOSOVES
DEPARTAMENTI I INSPEKTIMIT

Rruga "Dëshmorët e Gollakut", p.n, Hajvali - Prishtinë



Referencë: **IPK/18122023/DI**

Datë: **18.12.2023**

Bazuar në Ligjin nr. 03/L-231 për Inspektoratin Policor të Kosovës, Udhëzimin Administrativ (MPB) nr. 21/2015 për Inspektime në Policinë e Kosovës, Rregulloren (MPB) nr. 01/2017 për organizimin e brendshëm dhe sistematizimin e vendeve të punës në Inspektoratin Policor të Kosovës, Udhëzuesin për procedurën e planifikimit, inspektimit e raportimit, Planin Zhvillimor Strategjik të IPK-së (2022-2024), si dhe Planin Vjetor të Inspektimeve të Rregullta, Departamenti i Inspektimeve të IPK-së nxjerrë këtë:

RAPORT I INSPEKTIMIT

Titulli - objekti	- Vlerësimi i performancës së Stacionit Policor të Malishevës
Referenca	- 9/2023
Data e inicimit	- 24.10.2023
Data e raportimit	- 18.12.2023
Arsyet e inicimit	- Në vazhdim të monitorimit të angazhimeve në të gjitha nivelet e organizimit policor, më 24.10.2023, Kryeshefi Ekzekutiv i IPK-së e ka konsideruar të nevojshëm zhvillimin e inspektimit për të vlerësuar performancën e Stacionit Policor të Malishevës. Në kërkesën e cila i është drejtuar Departamentit të Inspektimit është kërkuar realizimi i një inspektimi për të verifikuar zbatimin e procedurave të parapara dhe nivelin e performancës të Stacionit në fjalë. Inspektimi ka paraqitur interes për IPK-në, me qëllim të vlerësimit nëse ky Stacion është duke realizuar me sukses objektivat në përmbushje të mandatit ligjor, për të krijuar një mjedis të sigurt për qytetarët. Inspektimi ka ofruar mundësi për t'u njohur me performancën e Stacionit, me fokus në fushat, si: burimet njerëzore, operative, hetime, shërbime administrative - mbështetëse.
Objektivat e inspektimit	- Vlerësimi i organizimit dhe angazhimit të burimeve njerëzore, - Vlerësimi i aktiviteteve operative në ngritjen e nivelit të sigurisë, - Vlerësimi i aktiviteteve hetimore në parandalimin dhe luftimin e krimit, - Vlerësimi i kapaciteteve dhe kushteve të punës në Stacion.
Metodologjia e inspektimit	- <u>Takime - intervista</u> me gjashtë (6) drejtues dhe bartës të funksioneve: (a) Komandanti i Stacionit Policor, (b) Shefi i Sektorit të Operativës, (c) Shefi i Sektorit të Hetimeve, (d) Shefi i Sektorit të Resurseve, (e) Mbikëqyrësit e ndërrimeve; - <u>Këqyrje - verifikime</u> mbi: sistemin e personelit, prezencën fizike në punë, respektimin e uniformës - dukjen personale, gjendjen e pajisjeve, adresimin e shkeljeve disiplinore, vlerësimin e rezultateve të punës, reagimin në thirrje, llogaridhënien, procedimin e lëndëve, patrullimin, zbatimin e urdhëresave, raportimin e përdorimit të forcës, trajtimin e të arrestuarve dhe të ndaluarve, planifikimin, policimin në bashkësi, dosjet penale, kujdesin ndaj dëshmitarëve, funksionalitetin e automjeteve, masat e sigurisë, kushtet teknike, etj.; - <u>Marrje dokumentesh</u> fizike/elektronike, si: vendime, kontrata, përshkrime të punës, regjistri i vijueshmërisë, raporte të kontrollit, raporte periodike, dosje







	disiplinore, raporte të vlerësimit të rezultateve, logu ditor, raporte ditore dhe 24 orë, raporte fillestare të incidentit, orari, dosje kundërvajtjesh, urdhëresa, dosje për përdorim force, dosje të ndalimit, kërkesa për verifikim të kaluarës kriminale, plane operative, pro - forma, raporte mbi policimin në bashkësi, dosje të dhunës në familje, zinxhirë të ruajtjes, regjistra dëshmish, regjistri i qasjes në Dhomë të dëshmive, raporte të kontrollit të dëshmive, raporte mbi automjetet, fletë udhëtime, Regjistri i pasurive, Plani i evakuimit, etj.
Subjekti	- Stacioni Policor i Malishevës në kuadër të Drejtorisë Rajonale të Gjakovës
Afatet e inspektimit	- Fillimi - 30.10.2023; - Përfundimi - 31.10.2023; - Periudha e mbulimit - dy (2) vitet e fundit dhe gjendja aktuale.
Kriteri vlerësues (standardi)	- Kodi Penal i Republikës së Kosovës, - Kodi i Procedurës Penale, - Ligji nr. 04/L-076 për Policinë, - Ligji nr. 08/L-132 për Ekzekutimin e Sanksioneve Penale, - Ligji nr. 04/L-161 për Sigurinë dhe Shëndetin në Punë, - Ligji nr. 05/L-132 për Automjete, - Ligji nr. 05/L-088 për Rregullat e Trafikut Rrugor, - Ligji nr. 03/L-182 për Mbrojtje nga Dhuna në Familje, - UA nr. 01/2021 mbi Marrëdhënien e Punës në Policinë e Kosovës, - UA (MPB) nr. 05/2023 për Procedurat e Kundërvajtjes, - UA nr. 02/2012 për Përdorimin e Forcës nga Zyrtarët Policor, - UA nr. 04/2019 për Shkeljet, Masat dhe Procedurën Disiplinore në PK, - UA nr. 03/2008 për Përdorimin e Automjeteve të Qeverisë së Kosovës, - UA (MI) nr. 01/2018 për Kontrollimin Teknik të Automjeteve, - Rregullore për Personel dhe Administratë në Policinë e Kosovës, - Rregullore për Operativë në Policinë e Kosovës, - Rregullore (MF) nr. 02/2013 për Menaxhimin e Pasurisë Jo Financiare, - PSO - Koha e reagimit (7 shtator 2018), - PSO - Procedimi i lëndëve dhe kompetenca lëndore e hetimit (25.08.2020), - PSO - Sistemet Informative të Policisë së Kosovës, - PSO - Verifikimi i të kaluarës kriminale (22 shkurt 2021), - PSO - Qendrat e Ndalimit në Policinë e Kosovës (1 tetor 2020), - PSO - Parandalimi dhe Trajtimi i Dhunës në Familje (8 prill 2022), - PSO - Dhomat e dëshmive (15 maj 2014).
Ekipi realizues	- Fitore Gajraku, inspektore, - Kushtrim Jonuzi, inspektor, - Mirsad Puqurica, inspektor, - Servet Tasholli, inspektor, - Shqiponjë Sopi, inspektore, - Teuta Rukolli - Ajeti, inspektore, - Xhavit Fetahaj, inspektor.
Mbikëqyrur nga	- Ilir Idrizaj, Udhëheqës i Divizionit të Inspektimit dhe Raportimit
Mbështetur nga	- Bujar Mustafa, Udhëheqës i Divizionit për Analizë, Planifikim dhe Cilësi
Dorëzuar nga	- Bekim Pira, Udhëheqës i Departamentit të Inspektimit
Miratuar nga	- Kushtrim Hodaj, Kryeshef Ekzekutiv i PK-së
Datë	- 18.12.2023

Shkurtesat

AMK	Agjencia e Metrologjisë së Kosovës
DTIK	Drejtoria e Teknologjisë Informative dhe Komunikimit
DSP	Drejtoria e Standardeve Profesionale
EDHRT	Ekstremizmi i Dhunshëm dhe Radikalizmi që shpie në Terrorizëm
IPK	Inspektorati Policor i Kosovës
KKSB	Këshilli Komunal për Siguri në Bashkësi
KLSP	Komiteti Lokal për Siguri Publike
KSHPF	Komisioni i Shqyrtimit të Përdorimit të Forcës
KPP	Kodi i Procedurës Penale
KPRK	Kodi Penal i Republikës së Kosovës
LPA	Lista e Personelit të Autorizuar
MPB	Ministria e Punëve të Brendshme
OJQ	Organizata Jo Qeveritare
PK	Policia e Kosovës
PSO	Procedura Standarde e Operimit
PUI	Policimi i Udhëhequr nga Inteligjenca
QOKR	Qendra Operative Komunikuese Rajonale
QPS	Qendra për Punë Sociale
SIPK	Sistemi Informativ i Policisë së Kosovës
SMIL	Sistemi i Menaxhimit Informativ të Lëndëve

7. *IPK-ja i rekomandon Komandantit të Stacionit dhe Shefit të Operativës që të ushtrojnë kontrolle mbi njësinë përkatëse për Ndërlidhje me Gjykata që për të gjitha veprimet policore në drejtim të ekzekutimit të urdhërësive, të mbahet evidencë e cila duhet dokumentuar brenda përmbajtjes së dosjes (të mbahen formularë të veçantë mbi vizitat tek personat e kërkuar).*
8. *IPK-ja i rekomandon Komandantit të Stacionit dhe Shefit të Operativës, që të analizojnë trendët dhe shkaqet e parashkrimit të urdhërësive të gjykatave, për t'u siguruar se Stacioni është duke bërë punën e duhur në drejtim të minimizimit të numrit të tyre. Po ashtu, të sigurohen se evidencat mbi urdhëresat janë të qëndrueshme dhe të besueshme.*
9. *IPK-ja i rekomandon Sektorit të Hetimeve që posa Policia të pranoj kërkesën për ndjekje penale nga pala e dëmtuar ose posa të njoftohet se një vepër penale e cila ndiqet sipas detyrës zyrtare është kryer, tentuar, është duke u kryer apo do të kryhet së shpejti, Policia është e detyruar që menjëherë të njoftojë Prokurorin e shtetit dhe t'i dorëzojë raport policor brenda 72 orëve (neni 71, paragrafi 6 i KPP-së).*
10. *IPK-ja i rekomandon Komandantit të Stacionit dhe Shefit të Hetimeve, që gjatë ushtrimit të kontrollit mbi lëndët para se ato të procedohen në Prokurorinë e Shtetit, të respektohet i tërë zinxhiri komandues përgjatë rrugëtimit të lëndëve (të respektohet hierarkia e kontrollit, në mënyrë që kallëzimet penale të kalojnë nga hetuesi i lëndës, tek mbikëqyrësi i vijës së parë dhe më pas tek Shefi i Sektorit të Hetimeve, konform Procedurës Standarde të Operimit - Procedimi i lëndëve dhe kompetencat lëndore të hetimit).*
11. *IPK-ja i rekomandon Komandantit të Stacionit që në Dhomën e dëshmimeve të ushtrohen dhe intensifikohen kontrolle të brendshme përmes revizioneve dhe inspektimeve të pa paralajmëruara, drejt administrimit të duhur të dëshmimeve dhe Dhomës ku ruhen ato.*
12. *IPK-ja i rekomandon Komandantit të Stacionit dhe Shefit të Resurseve, që të ushtrojnë kontrolle mbi përdoruesit e automjeteve, për t'u siguruar se ato kontrollohen para përdorimit.*
13. *IPK-ja i rekomandon Drejtorit të Departamentit të Shërbimeve Mbështetëse, që të sigurojë shërbimet e pastrimit të automjeteve për Stacionin Policor të Malishevës.*
14. *IPK-ja i rekomandon Komandantit të Stacionit, që në koordinim me shërbimet mbështetëse të Policisë (Drejtorinë e Menaxhimit të Objekteve), të adresojnë çështjen e lagështisë, lavamanëve, ndriçimit dhe higjienës brenda Qendrës së Ndalimit.*
15. *IPK-ja i rekomandon Komandantit të Stacionit, që në koordinim me Drejtorinë e Menaxhimit të Objekteve, të sigurojnë shërbimet e kontraktuara për mbushjen e pajisjeve kundër zjarrit, për të siguruar se pajisjet e tilla janë në gjendje funksionale në rast fatkeqësish.*
16. *IPK-ja i rekomandon Udhëheqësit të Departamentit të Shërbimeve Mbështetëse, që të adresojë problemet e Stacionit Policor të Malishevës lidhur me vështirësitë teknike në funksionimin e duhur të pajisjeve të kontraktuara (fotokopjeve).*

Faktet kyçe

	Zona e përgjithshme e përgjegjësisë	361 km ²
	Zona e kontrollit për polic (2022)	5.7 km ²
	Raporti polic - banorë ¹	1:887
	Trendi i krimit (2022)	Malishevë +6.6% Stacionet ² +1.1%
	Numri i veprave penale për polic (2022)	7.2 8.7
	Numri i veprave penale në 1.000 banorë (2022)	8.1 14.5
	Zbulueshmëria e veprave penale (2022)	66.2% 63.4%
		Malishevë 2022 2023
	Koha e përgjithshme e reagimit në thirrje	13.7 m 14.8 m
	Koha e reagimit në zonë urbane	7.9 m 9.5 m
	Koha e reagimit në zonë rurale	17.2 m 18.3 m
	% e reagimit me kohë dhe të shtyrë (raporti)	91:9 92:8
	Shkalla e ekzekutimit të urdhëresave (2022)	Malishevë 63% Stacionet 75%
	Numri i të arrestuarve për polic (për vit)	5.0 3.9
	Numri i të ndaluarve për polic (për vit)	1.8 1.5
	Trendi i patrullimeve në këmbë (2022)	Malishevë -16.3% Stacionet -1.7%
	Trendi i patrullimeve me automjet (2022)	-7.9% +11.9%
	Trendi i pikave të kontrollit (2022)	-12.9% -1.9%
	Trendi i gjobave (2022)	Malishevë +24.5% Stacionet +35.5%
	Numri i gjobave në raport me banorët (për vit)	1:6.6 1:6.1
	Numri i gjobave për polic (për vit)	1:134.6 1:97.9

¹ Sipas Vjetarit Statistikor, popullsia e vlerësuar e Komunës së Malishevës më 31.12.2021 është 55.878 banorë.

² Analiza mbi krimin përfshinë të dhënat mbi mesataren e përgjithshme të derivuar nga 37 stacionet policore të Divizionit të Sigurisë Publike (përjashtim bëjnë katër stacione në pjesën veriore të vendit). Analiza mbi raportin e krimit me numrin e banorëve merr parasysh popullsinë që gjendet në zonën e përgjegjësisë së këtyre stacioneve (1.773.971-38.560=1.735.411 banorë).

Gjetjet kryesore:



1. Organizimi dhe burimet njerëzore

1.1. Elementi më i rëndësishëm i organizatës policore janë burimet njerëzore. Duke konsideruar se ato paraqesin një vlerë qenësore, shtrohet nevoja për organizim dhe shpërndarje të mirëfilltë të tyre. PK është e organizuar bazuar në Ligjin për Policinë dhe Rregulloren për organizimin e brendshëm dhe sistematizim të vendeve të punës. Në Stacionin Policor - Malishevë, IPK ka pasur në fokus organizimin e brendshëm, bazuar në Strukturën organizative të aprovuar më 10.07.2023. Bazuar në Udhëzimin Administrativ nr. 01/2021 mbi Marrëdhënien e Punës në Policinë e Kosovës (neni 31), sistemimi dhe transferi i personelit policor, në vendet dhe detyrat e punës, duhet t'u përshtatet nevojave operacionale dhe Strukturës organizative të policisë. Neni 29 i Rregullores për Personel dhe Administratë në Policinë e Kosovës përcakton që zyrtarët policor, detyrat e përgjegjësitë të ushtrojnë bazuar në përshkrime të vendeve të punës për pozitën, në të cilat janë emëruar. Në Malishevë është hasur një (1) rast me mospërputhje pozitive-gradë për shkak të mungesës së gradës adekuate për pozitë drejtuese (pozita mbikëqyrëse në Sektorin e Operativës që parashihet të ushtrohet nga punonjësi i uniformuar me gradë Toger, ushtrohet pa vendim nga punonjësi i uniformuar me gradë Rreshter).

1.2. Sipas nenit 37 të Udhëzimit Administrativ nr. 01/2021, kur nevojat e shërbimit kërkojnë plotësimin e një vendi të lirë, me vendim të Drejtorit të Përgjithshëm të Policisë, përkohësisht caktohet ushtruesi i detyrës. Gjatë inspektimit nuk janë hasur raste që pozitën në kuadër të Strukturës të ushtrohen me ushtrues detyre.

1.3. Siç u potencua në paragrafin 1.1, sistemimi i personelit në vende të punës duhet t'u përshtatet nevojave dhe strukturës organizative. IPK-ja është interesuar të njihet nëse në Stacion ka punonjës të pa sistemuar, apo që kryejnë detyra, për të cilat nuk janë kompetent. Inspektimi vë në pah se pas sistemimit bazuar në Strukturën e re të organizimit, tek dy (2) ekipet patrulluese tek Sektori i Operativës (A dhe B) ka një mbivendosje policësh, meqë parashihet që ato t'i kenë nga 10 polic, por që në fakt i kanë nga një tepër secili prej tyre. Një shërbyes civil (CIV-1251), që më parë ishte angazhuar në Zyrën e Armëve, tanimë është i pa sistemuar tek Zyra e Shërbimeve Mbështetëse në kuadër të Sektorit të Resurseve, meqë pozita e tij në vendin e punës tash ushtrohet nga zyrtari policor i uniformuar. Kurse, sa i përket funksionalizimit të strukturës aktuale së stacionit të gjitha njësitë e parapara janë funksionale. Tanimë Stacioni ka në fuqi Strukturën e re, që është në fillesat e saj të zbatimit. Në ditën kur është realizuar ky inspektim, veç ishte filluar me sistemimin e njërive dhe personelit konform LPA-së, por mbi lëvizjet ende nuk janë lëshuar vendimet e reja.

1.4. Është analizuar gjendja sasiore e burimeve njerëzore të Stacionit të Malishevës, duke i krahasuar ato aktuale me ato që i parasheh Struktura. Me datën 31.12.2022, Stacioni ka pasur 75 punonjës, numër ky më i ulët se që kishte paraparë Struktura (28.02.2019) me 79 punonjës. Tashmë Stacioni ka 72 punonjës, nga të cilët, 61 janë punonjës të uniformuar dhe 11 shërbyes civil. Është një gjendje sasiore me burime njerëzore pothuajse në harmoni me LPA-në dhe Strukturën e re, që parasheh 71 punonjës (59 zyrtarë të uniformuar dhe 12 shërbyes civil). Sa i përket numrit të përgjithshëm të personelit, Stacioni tashmë ka një tejkalim të vendeve të punës në masën prej 1.4% (një punonjës më tepër) në raport me LPA-në. Kurse, sa i përket strukturës së të graduarve, Stacioni ka një toger më pak, dy rreshterë më shumë, një polic më shumë dhe një shërbyes civil më pak, krahasuar me LPA-në (*shih tabelën*). Meqë veprat e dhunës në familje kanë marrë fokusin e veçantë në analizën e IPK-së, duhet cekur se në Ekipin e Hetimeve të Dhunës në Familje dhe Delikuencës së të Miturve janë sistemuar dy (2) hetues të dhunës në familje konform LPA-së (një primar dhe një sekondar). Hetuesi primar i dhunës në familje nuk ngarkohet me raste tjera, siç dhe parashihet me PSO - Parandalimi dhe trajtimi i dhunës në familje.

Tabela nr. 1 - Burimet njerëzore të Stacionit Policor të Malishevës (15.09.2023)						
Kapacitetet (gradat)	Kapiten	Toger	Rreshter	Zyrtar policor	Shërbyes civil	Gjithsej
LPA	1	2	7	49	12	71
Aktual	1	1	9	50	11	72
Gjendja	0	-1	+2	+1	-1	+1

1.5. Sipas Rregullores, punonjësi i policisë duhet të paraqitet në detyrë në kohën dhe vendin e caktuar, në detyrat që i janë caktuar me orar paraprak, apo kur kërkohet intervenim i menjëhershëm³. Udhëzimi Administrativ mbi Marrëdhënien e Punës në nenin 57 përcakton se punonjësit e punësuar në Polici duhet të vijnë në punë dhe të dalin nga puna me kohë dhe të shkojnë për drekë në kohën e përcaktuar. IPK-ja ka qenë në Stacion para fillimit të ndërrimit të orës 07.00-15.00 dhe orarit të rregullt 08.00-16.00. Inspektorët kanë siguruar Regjistrin e vijueshmërisë për personelin e angazhuar në Orarin e punës 23.00-07.00 dhe 07.00-15.00, dhe për personelin në orar të rregullt 08.00-16.00 (administratë, hetime dhe sektorë). IPK-ja ka verifikuar vijueshmërinë në punë dhe ka krahasuar prezencën fizike me regjistrat dhe oraret. Evidenca mbi vijueshmërinë është përputhur me prezencën fizike të punonjësve në punë. Prezenca në punë monitorohet nga menaxhmenti, kurse administrimi i tyre realizohet nga Sektori i Resurseve/Operativës.

1.6. Bartja e pajisjeve për zyrtarë policor është rregulluar me Rregullore për Personel dhe Administratë. Neni 145 lidhur me pajisjet e autorizuara (ripi i uniformës dhe pajisjet që vendosen në rrip) rregullon se punonjësit policor, të cilët kanë autorizime policore, derisa janë në uniformë dhe në kryerje të detyrës, duhet t'i bartin pajisjet, për të cilat janë të autorizuar. Lidhur me pajisjet policore janë inspektuar pesë (5) zyrtarë policor⁴, nga ka rezultuar se ata kanë qenë të pajisur me pistoleta "Glock" me karikatorë dhe municion të nevojshëm të përcaktuar me rregulla, shufra, pranga dhe sprej. Policët e përzgjedhur nuk kanë pasur me vete bateri (llamba ndriçuese), ndërsa tre (3) nga ta nuk janë të pajisur me radiolidhje. Rregullorja përcakton bartjen e pajisjeve dhe Stacioni duhet siguruar që zyrtarët t'i kenë me vete ato, dhe kur ka mungesë të tyre, të sigurohen nga Logjistika.

1.7. Veç pajisjeve, IPK ka verifikuar respektimin edhe të standardit të uniformës së zyrtarëve policor. Neni 139 i Rregullores për Personel dhe Administratë përcakton si duhet bartur dhe çka përmban uniforma verore dhe dimërore (klasa A dhe B). Pas inspektimit të veshjes tek pesë (5) zyrtarë, ka rezultuar se përgjithësisht standardi i veshjes ka qenë duke u respektuar. Ka mungesë të theksuar të furnizimit të rregullt me rroba për zyrtarët policor të Stacionit (kjo gjendje është e njëjtë për më shumë se tre vite). Ka ankesa edhe sa i përket mospërshtatjes së numrave të uniformës varësisht prej madhësisë. Zyrtarët e inspektuar në mungesë të uniformës adekuate sezonale kanë kombinuar uniformën verore me atë dimërore. Janë hasur çizme të grisura dhe këpucë të blera nga vet zyrtarët policor.

1.8. Dukja personale e zyrtarëve policor është element ndikues meqë përçon imazhin e tyre tek qytetarët. Rregullat mbi dukjen personale janë pasqyruar në nenin 148 të Rregullores për Personel dhe Administratë në Policinë e Kosovës. Standardi, i cili është përcaktuar me Rregullore del të jetë respektuar në mënyrë të kënaqshme nga zyrtarët policor të inspektuar në Stacion. Standardi në fjalë është respektuar edhe nga zyrtarët tjerë, të cilët janë hasur gjatë inspektimit.

1.9. IPK në të kaluarën ka rekomanduar që të ushtrohen në vazhdimësi inspektime (kontrolle) të armëve, municioneve, pajisjeve, dhe të hartohen raporte përkatëse, me qëllim që të avancohen standardet unike të punës në menaxhimin efikas dhe efektiv

³ Neni 15 i Rregullores për Personel dhe Administratë në Policinë e Kosovës.

⁴ ID-11202, ID-11128, ID-10980, ID-0911 dhe ID-5090.

	<p>të burimeve. Në Stacion janë kërkuar raporte të inspektimeve, të realizuara nga ana e menaxherëve. Gjetjet tregojnë se inspektime të tilla organizohen nga shefat e njësisive në baza mujore, mbikëqyrësit e ndërrimeve, por kohë pas kohe edhe nga drejtuesit. Lidhur me kontrollat mbahen shënime dhe përpilohen raporte⁵.</p> <p>1.10. Rregullorja për Operativë në Policinë e Kosovës përcakton që zyrtari policor duhet të përkujdeset që armën zyrtare ta mbajë dhe mirëmbajë në gjendje të rregullt. Zyrtari policor, pa marrë parasysh a është në kryerje të detyrës, apo jo, obligohet që armën zyrtare ta mbajë të pastër dhe në gjendje të rregullt për përdorim. IPK-ja ka inspektuar pesë (5) zyrtarë policor, për të parë nëse kujdesen dhe mirëmbajnë armët e pajisjet, përfshirë dhe municionin. Pistoletat kanë rezultuar të pastra, spreji kimik tek zyrtarët e pajisur është hasur me afat të skaduar, fishekët janë ndërruar dhe janë zyrtar, kurse jelekët anti - plumb kanë rezultuar me afat. Sa i përket sprejit duhet pasur parasysh se në rastet e mungesës së tyre, hendikepohet puna e zyrtarëve policor, kurse në anën tjetër, përdorimi eventual i atyre me afat të skaduar mund të ndikojë në shëndetin e personave, me të cilët mund të ketë ballafaqim.</p> <p>1.11. Bazuar në nenin 100 të Rregullores për Personel dhe Administratë në Policinë e Kosovës, përcaktohet që njësitë organizative në kuadër të Policisë, divizionet, drejtoritë në Departamentin për Shërbime Mbështetëse, Drejtoritë Rajonale duhet të përkujdesen që secili zyrtar policor i kësaj drejtorie, brenda periudhës kohore prej një (1) viti t'i mbajë së paku 40 orë trajnim (përfshirë edhe certifikimin). Lidhur me trajnimet dhe avancimin profesional të zyrtarëve policor të Stacionit, vihet re se:</p> <p>(a) Në periudhën 1 korrik 2021 - 30 qershor 2022, personeli i uniformuar në masën prej 94% është përfshirë në trajnimet e brendshme brenda regjionit (63 nga 67 zyrtarë). Janë realizuar 1.330 orë trajnuese nga 2.680 orë të obligueshme për personelin e uniformuar (49.6%). Nuk është arritur që secili zyrtar të përfundojë orët e parapara, për shkak të përfshirjes së tyre në plane operative. Mesatarisht janë ndjekur nga 19.9 orë për çdo zyrtar.</p> <p>(b) Në periudhën 1 korrik 2022 - 30 qershor 2023, personeli i uniformuar në masën 95% është përfshirë në trajnimet e brendshme brenda regjionit (58 nga 61 zyrtarë). Janë realizuar 1.470 orë trajnuese nga 2.440 orë të obligueshme për personelin e uniformuar (60.2%). Nuk është arritur që secili zyrtar të përfundojë orët e parapara, për shkak të përfshirjes së tyre në plane operative dhe aktivitete operative në Veri të vendit. Mesatarisht janë ndjekur 24.1 orë për çdo zyrtar,</p> <p>1.12. Rregullorja në nenin 114 parasheh që gjithë zyrtarët policor, pa marrë parasysh nivelin dhe gradën policore, janë të obliguar që brenda periudhës kohore prej çdo 12 deri në 18 muaj ta vijnë trajnimin për ri-certifikim⁶. Ri-certifikimi ka për qëllim që të gjithë zyrtarët policorë, përmes këtij procesi t'i ri përsërisin dhe t'i rifreskojnë njohuritë dhe shkathtësitë e tyre, në mënyrë që të jenë sa më efikas dhe profesional në kryerjen e punëve policore. Nga të dhënat e siguruar nga Sektori i Resurseve, në 18 muajt e fundit, Ri-certifikimin nga radhët e personelit të uniformuar e kanë vijuar 34 nga 61 zyrtarë policor (55.7%).</p> <p>1.13. IPK ka verifikuar nëse struktura hetimore e këtij Stacioni është e pajisur me njohuri të nevojshme përmes programeve trajnuese dhe kurseve. Andaj, punonjësit e angazhuar në Sektorin e Hetimeve duhet të kenë kryer Kursin Bazik të Hetimit.</p>
--	---

⁵ Raportet e inspektimeve të realizuara më 27.08.2023, 30.08.2023 dhe 31.03.2023.

⁶ Rregullorja për Personel dhe Administratë përcakton që varësisht nga niveli, apo grada e zyrtarit policor kryhet dhe ricertifikimi. Në kuadër të këtij procesi hyjnë ricertifikimet, që nuk kufizohen vetëm në: përdorimin-gjuajtjen me armë të zjarrit, ndalimin dhe kontrollimin e automjeteve dhe mjeteve tjera motorike, kontrollimin e turmave, taktikat mbrojtëse, ndihmën e parë, Kodin e mirësjelljes, informimin me aktet e reja normative, aftësimin në komunikim, planifikimin operativ e taktik, menaxhimin dhe lidershipin, menaxhimin e stresit/konfliktit/incidentit kritik, përpilimin e raportit, zgjidhjen e problemit, marrjen e vendimit, këshillimin e monitorimin, Policinë në Komunitet, raportin Polici-media, vlerësimin e performancës.

Rezultoni se të gjithë zyrtarët në Sektorin e Hetimeve kanë kryer Kursin Themelor të Hetimit. PSO- Parandalimi dhe Trajtimi i Dhunës në Familje (kapitulli V, pika h) parasheh që çdo pjesëtar i Policisë që trajton raste të dhunës në familje duhet të jetë i trajnuar apo të ndjekë trajnim adekuat profesional, organizuar nga Departamenti i Trajnimit/institucione apo organizata tjera. Dy (2) hetuesit e dhunës në familje kanë të kryer kursin përkatës për hetimin e këtyre rasteve. Zyrtari i Dhunës së dëshmimeve ka të kryer trajnimin përkatës. PSO-Teknika Kriminalistike (Sektori i Vendit të Ngjarjes) parasheh që me qëllim të krijimit të një kriteri për trajnime për teknik të kriminalistikës nevojiten standardet e nevojshme, që do t'i plotësojnë teknikët kriminalist, të cilët punojnë në teknikë kriminalistike në tre (3) nivelet. Sipas kësaj, teknikët kriminalist që punojnë në stacione në kuadër të Ekipit të vendit të ngjarjes, me qëllim të plotësimit të kërkesave të njësisë, preferohet të jenë të certifikuar në trajnimet: Kursi Bazik për Teknik Kriminalist dhe Kursi Bazik i Hetimit. Duke u bazuar në kriterin e parë, dy (2) hetuesit e angazhuar në kuadër të Ekipit të Teknikës Kriminalistike kanë kryer kurs përkatës për këtë fushë. PSO për Qendrat e Ndalimit (kapitulli B, pika 5) parasheh që zyrtarët policor në Qendrat e Ndalimit duhet të jenë të trajnuar dhe kualifikuar në raport me specifikat e punës që kërkon trajtimi i të ndaluarve. Mbikëqyrësi i Qendrës së Mbajtjes dhe dy (2) zyrtarë tjerë të caktuar aty nuk kanë kryer kursin përkatës për fushën (në kuadër të ekipeve reaguese ka zyrtarë policor që e kanë të kryer trajnimin).

1.14. Bazuar në rregullat në fuqi, stacionet trajtojnë shkeljet e lehta disiplinore që u drejtohen nga autoriteti kompetent policor (DSP-ja). Kjo fushë është rregulluar me Udhëzimin Administrativ nr. 04/2019 për Shkeljet, Masat e Procedurën Disiplinore në Policinë e Kosovës dhe PSO-në për Procedurën Disiplinore në Nivel Lokal (DPPK-01-PSO-01). Bazuar në nenin 13, nëse shkeljet bëjnë pjesë në kategorinë e shkeljeve të lehta disiplinore, hetimet fillojnë dhe përfundojnë në nivel lokal sipas kategorisë së shkeljeve të lehta. IPK ka siguruar tre (3) mostra të rasteve të trajtuara nga autoriteti hetues në nivel stacioni⁷, ku janë vlerësuar nga aspekti i respektimit të rregullave-procedurave konform aktit për shkeljet e lehta disiplinore. Sa i përket epilogut të tyre, për këto tre (3) lëndë është zhvilluar hetimi preliminar dhe janë mbyllur në nivel të Stacionit në mungesë të provave për shkelje të lehta disiplinore. Afatet kohore të trajtimit dhe kompetenca lëndore e hetimit lidhur me këto mostra janë respektuar konform Udhëzimit⁸ dhe PSO-së.

1.15. Për kryerjen e detyrave gjatë punës, menaxherët dhe drejtuesit janë të detyruar të vlerësojnë rezultatet në punë, të njohur si vlerësim performance. Bazuar në nenin 79 të Udhëzimit Administrativ mbi Marrëdhënien e Punës në Policinë e Kosovës, punonjësit e Policisë lidhur me kryerjen e detyrave të punës i nënshtrohen vlerësimit periodik të performancës që ka për qëllim rritjen e cilësisë në punë dhe përmirësimin apo avancimin gradual të aftësisë profesionale të punonjësit. Sipas PSO-së, Policia, respektivisht mbikëqyrësi ku punonjësi punon, është i obliguar që së paku një herë në vit ta bëjë vlerësimin e performancës për punonjësin, që është nën mbikëqyrjen e tij. Lidhur me këtë, IPK-ja ka marrë pesë (5) mostra të vlerësimit të performancës (për 1 toger, 2 rreshter dhe 2 zyrtarë policor)⁹. Vlerësimi i performancës është bërë sipas formularit standard dhe është realizuar brenda afatit kohor. Nga vlerësimet e siguruar nuk është hasur ndonjë pakënaqësi apo ankesë kundrejt tyre.

2. Aktivitetet operative

2.1. Në Raportin e inspektimit “Menaxhimi i thirrjeve dhe reagimit policor”, i dalur nga inspektimi i realizuar në të gjitha stacionet është pasqyruar se janë hasur dobësi

⁷ Dosjet nr. 00084-HBNL-2022-04/1-08, 00086-HBNL-2022-04/1-08 dhe 00006-HBNL-2023-04/1-08.

⁸ Neni 69, paragrafi 12 i Udhëzimit.

⁹ ID-5090, ID-10883, ID-1926, ID-4565 dhe ID-3930.

	<p>në mbajtjen e logjeve operacionale¹⁰, andaj IPK-ja u ka rekomanduar komandantëve të stacioneve, shefave të operativës dhe mbikëqyrësve të ndërrimeve, që të ushtrjnë kontrolle të shtuara përfshirë dhe auditime të planifikuara periodike mbi zyrtarët që mbajnë logjet, drejt ngritjes së cilësisë së evidencës. IPK-ja ka siguruar logje të tre muajve të fundit (gusht, shtator e tetor), për t'u siguruar se evidenca është cilësore, përditësuar me të dhëna mbi thirrjet dhe reagimin policor. Logu operacional mbahet nga Zyrtari i Bazës së Radio-Komunikimit dhe sipas drejtuesve, kontrollohet kohë pas kohe dhe kjo dokumentohet. Që ka shenja të kontrollit të logut e dëshmon edhe Raporti i inspektimit i bërë nga eprorët e Stacionit për të gjitha njësitë përfshirë dhe radio-komunikimin, në cilin pasqyrohet verifikimi i thirrjeve dhe raportimi i tyre në log¹¹. Kontrolli i logut vë në pah se lidhur me thirrjet dhe reagimin mbahet evidencë e kënaqshme, me nevojën për të siguruar të dhëna më të azhuruara meqë disa prej thirrjeve nuk u është pasqyruar koha e arritjes në vendngjarje.</p> <p>2.2. PSO përcakton që koha e reagimit për zonat urbane të jetë maksimum 15 minuta dhe për zonën rurale maksimum 30 minuta, varësisht lokacionit ku ndodhë rasti (me përjashtim në disa zona të thella malore e me kushte të papërshtatshme atmosferike). IPK-ja ka pasur fokus reagimin policor në thirrjet e qytetarëve dhe për të konstatuar efektivitetin e njësive policore janë kontrolluar 111 mostra të ngjarjeve ku ka pasur reagim policor¹². Nga analiza e mostrave të thirrjeve, të realizuara nga Stacioni gjatë muajve gusht, shtator dhe tetor, rezultojnë këta indikatorë:</p> <p>(a) Në vitin 2023, koha e reagimit në thirrjet e qytetarëve është zgjatur (shtyrë) për 1.1 minuta nga 13.7 në 14.8 minuta (koha mesatare e reagimit policor për të gjitha stacionet në vitin e kaluar ka qenë 13.76 minuta).</p> <p>(b) Koha e reagimit në zonë urbane është zgjatur për 1.53 minutë, nga 7.97 në 9.5 minuta (koha mesatare e reagimit për stacionet në vitin e kaluar ka qenë 11.62 minuta). Koha e reagimit në zonë rurale është zgjatur për 1.12 minuta, nga 17.18 në 18.3 minuta (koha mesatare për stacionet ka qenë 20.79 minuta).</p> <p>(c) Raporti në përqindje ndërmjet reagimit me kohë dhe reagimit me vonesë është 92:8, gati se i njëjtë me raportin nga viti i kaluar që ishte 91:9 (ky raport në nivel të stacioneve në matjet e vitit të kaluar ka qenë 80:20).</p> <p>2.3. Bazuar në nenet 29, 30, 31 dhe 32 të Rregullores për Personel dhe Administratë, policët, rreshterët, togerët, si dhe kapitenët kanë përgjegjësi të raportimit, varësisht pozitive menaxhuese. IPK ka verifikuar nëse zyrtarët e Stacionit kryejnë raportimet e nevojshme sipas detyrave të parapara dhe nëse ato kryhen me kohë. Fillimisht janë siguruar raportet e patrullave mbi ngjarjet në ndërrimet e fundit, ku janë përfshirë fletë patrullat e tre (3) ndërrimeve të tre ditëve të fundit (25, 26 e 27 tetor 2023) dhe Raporti 24 orë i situatës ditore i datës 27-28.10.2023 (gjithsej 4 ditë). Nga nëntë (9) orare ditore, tre (3) nga to janë hasur të panëshkruara nga Mbikëqyrësi i ndërrimit¹³. IPK ka siguruar edhe raporte periodike të drejtuesve. Shihet se për aktivitetet ditore, zyrtarët policor përpilojnë raporte për detyrat e realizuara të ndërrimit (fletëpatrulla), që inspektohen nga mbikëqyrësit dhe që bëhen pjesë e Raportit 24 orë të Stacionit. Sektorët e Operativës, Hetimeve dhe Resurseve raportojnë në baza periodike dhe informatat i përmbledhin në raporte vjetore të Stacionit.</p> <p>2.4. IPK ka përcjellë rrugëtimin e rasteve deri te njësitë kompetente që vazhdojnë me trajtimin e tyre. Është detyrë e njësitit patrullues të kompletojë rastin e raportuar</p>
--	--

¹⁰ Logu është pasqyrë e krijuar elektronike, a me shkrim, ku evidentohen informimet telefonike zyrtare të pranuar nga cilido informues i mundshëm, për një ngjarje të caktuar të ndodhur më parë, apo që është në zhvillim e sipër.

¹¹ Formulari i inspektimit të stacioneve policore, datë 26.09.2023.

¹² Koha e reagimit llogaritet nga pranimi i informatës nga QOKR-ja, mbikëqyrësi, apo Policia në ndonjërin nga format e komunikimit, koha e dhënies së informatës tek patrulla apo njësitë që ngarkohet, koha e nisjes së patrullës/njësisë së ngarkuar dhe arritja në vendngjarje.

¹³ Orari ditor i datës 26-27.10.2023 (koha e punës 23:00-07:00, ekipi B), Orari ditor i datës 27-28.10.2023 (koha e punës 23:00-07:00, ekipi B) dhe Orari ditor i datës 27.10.2023 (koha e punës 07:00-15:00, ekipi C).

	<p>brenda zonës së përgjegjësive dhe më pas t'ia dorëzoj Shefit të ndërrimit për kontroll dhe nënshkrim. Rasti duhet të dorëzohet nga njësi i patrullës sa më parë që është e mundur dhe më së voni deri në përfundimin e orarit të punës. Rasti regjistrohet në Librin e rasteve në Zyrën e Bazës së Stacionit (në mënyrë elektronike dhe fizike). Përveç rasteve urgjente, rastet që iniciohen brenda 24 orëve (brenda tre ndërrimeve), çdo ditë (përjashtimisht vikendit dhe festave) në orën 08.30 të mëngjesit dorëzohen në Operativë, të cilat kontrollohen nga Shefi i Operativës se a janë kompletuar sipas procedurave të parapara dhe a janë në pajtim me KPRK, KPP e ligjet tjera në fuqi. Nëse rasti është i kompletuar, i dërgohet Komandantit apo zëvendësuesit të tij për nënshkrim. Pas nënshkrimit, rastet merren nga Zyrtari i SIPK, fotokopjohen dhe një kopje mbetet në arkiv (data bazë), kurse origjinali i dërgohet Njesisë së Hetimeve jo më vonë se në orën 09.00 për çdo ditë pune. Lidhur me procedimin e rasteve janë inspektuar pesë (5) mostra me raporte fillestare të incidenteve¹⁴, ku rezultojnë se në të gjitha rastet ato janë regjistruar në Librin e rasteve, janë pranuar dhe kompletuar. Dy (2) nga to janë hasur të panënshkruara nga Mbikëqyrësi i Operativës dhe tre (3) nga Komandanti¹⁵. Të gjitha mostrat e inspektuara janë hasur të regjistruara në SIPK.</p> <p>2.5. Patrullimet janë aktivitete që realizojnë stacionet, në drejtim të krijimit të një mjedisi të sigurt për qytetarët. Sipas nenit 3 të Rregullores për Operativë, patrullimi është veprim policor, përmes të cilit mbahet rendi e qetësia publike, sigurohet prona, lëvizja e lirë, kontrolli i kufirit, rregullimi i trafikut, parandalimi e zbulimi i veprave penale, kapja e kryesve të veprave penale, si dhe veprime e aktivitete tjera nga fusha e sigurisë, të cilat bëhen nga Policia në zbatim të ligjit. IPK ka verifikuar prezencën e patrullave në orët e hershme të mëngjesit të datës 30.10.2023, para dorëzimit të ndërrimit 23.00-07.00. Është siguruar Orari ditor i angazhimit të patrullave dhe me ndihmën e Mbikëqyrësit të ndërrimit (ID-6458) janë verifikuar patrullat në terren. Sipas Orarit ishte paraparë që dy (2) patrullat policore, në përbërje të të cilave ishin pjesëtarë të ekipeve reaguese, të jenë mobile me automjete me nga dy (2) dhe tre (3) zyrtarë policor (ED-B-1 dhe ED-B-2), të dyja këto për të mbuluar sektorët A, B dhe C. Në mëngjesin e datës 30.10.2023, patrullat janë hasur në përbërje të plotë dhe në thirrje¹⁶, varësisht të kërkesave, të angazhuar me dy (2) automjete, gjë që e dëshmojnë edhe fletët patrulluese. Patrullat policore kanë qenë duke zhvilluar aktivitet si vijon:</p> <ul style="list-style-type: none"> (a) Patrulla 1 me automjet në Rrugën “Ymer Krasniqi” - Malishevë (Sektori A), (b) Patrulla 2 me automjet në Fshatin Banjë dhe fshatra tjera (Sektori B). <p>2.6. Patrullat kryejnë patrullime me automjete dhe në këmbë, por organizojnë edhe pika të kontrollit. Në trafik shkaktohen kundërvajtje, për të cilat stacionet shqiptojnë gjopa në drejtim të ngritjes së sigurisë në rrugë. Neni 10 i Rregullores për Operativë përcakton që ndalja e automjetit për shkak të kundërvajtjes në trafik, apo për qëllime tjera, në të shumtën e rasteve konsiderohet si detyrë e rregullt e zyrtarëve policor patrullues. Realizimi i patrullimeve dhe pikë kontrolleve varet nga një sërë faktorësh dhe nuk ka metodologji të caktuar se si duhet kombinuar këto aktivitete. Nga analiza e indikatorëve të performancës së Stacionit për vitin 2022 rezultojnë se:</p> <ul style="list-style-type: none"> (a) Ka rënie të numrit të patrullimeve në këmbë për -16.3%% dhe realizimi mesatar ditor prej 2.6 patrullimesh renditë Stacionin nën mesataren e përgjithshme të stacioneve që është 4.3 patrullime ditore. (b) Ka rënie të numrit të patrullimeve me automjet për -7.9% dhe realizimi mesatar ditor prej 6.9 patrullime, renditë Stacionin në nivel të mesatares së përgjithshme që është 6.9 patrullime. (c) Pikat e kontrollit kanë shënuar rënie për -12.9% krahasuar me një vit më parë dhe realizimi mesatar ditor prej 10.9 pika të kontrollit renditë Stacionin mbi
--	--

¹⁴ Raportet fillestare të incidenteve: 2023-ED-596, 2023-ED-595, 2023-ED-593, 2023-ED-594 dhe 2023-ED-592.

¹⁵ 2023-ED-593, 2023-ED-595 dhe 2023-ED-596.

¹⁶ Njëri prej pjesëtarëve të ekipit patrullues ishte liruar më herët nga mbikëqyrësi për shkaqe shëndetësore dhe në momentin e inspektimit nuk ka qenë prezent në punë.

	<p>mesataren e përgjithshme që është 7.5 pika kontrolli.</p> <p>(d) Numri i gjobave ka shënuar një ngritje për 24.5%, ku një polic i Stacionit ka shqiptuar mesatarisht 134.6 gjoba në vit, (mesatarja e përgjithshme për stacione është 97.9 gjoba për polic gjatë vitit).</p> <p>2.7. IPK-ja është interesuar të njihet me funksionimin e SIPK-ut dhe procedurën e evidentimit të kundërvajtësve për shqiptim të masës mbrojtëse, pikëve negative dhe regjistrimin në evidencë fizike. Për dhjetë (10) mostra të kundërvajtjeve është gjetur se gjobat janë shqiptuar të plota konform Ligjit nr. 05/L-088 për Rregullat e Trafikut Rrugor. Masat mbrojtëse, pikët negative, si dhe gjobat janë evidentuar në SIPK, por për to nuk praktikohet evidenca fizike¹⁷. Sa i përket rregullave mbi konfiskimin e patentë shoferëve me masë mbrojtëse dhe pikë negative, inspektimi vë në pah se dosjet e inspektuara përveç që nuk ishin të sistemuara, në asnjërin nga to, patentë shoferët e konfiskuar nuk kanë pasur të bashkëngjitur vërtetimin mbi konfiskimin, i paraparë me nenin 17, paragrafi 2 të Udhëzimit Administrativ (MPB) nr. 05/2023 për Procedurat e Kundërvajtjes.</p> <p>2.8. Puna policore në masë të madhe lidhet me parandalimin, hetimin e zbulimin e krimit, andaj Policia ndërmerr veprime hetimore dhe masa të nevojshme që të zbuloj veprat penale dhe të kapë kryesit e tyre. Policia vepron po ashtu edhe në realizimin e urdhëresave të gjykatave dhe organet e drejtësisë e ngarkojnë atë që të sjellë para tyre të dyshuarit/të dënuarit, që mund të lidhen me vepra të ndryshme penale, apo për kundërvajtje. Stacioni angazhohet në ekzekutimin e urdhëresave dhe nga analiza e indikatorëve të performancës për vitin 2022 rezulton se:</p> <p>(a) Stacioni ka pasur një kuotë të realizimit të urdhëresave në masën prej 63.2%, kuotë kjo që është nën mesataren e përgjithshme të stacioneve (75.4%).</p> <p>(b) Kuota e urdhëresave të parashkuara ka qenë 24.2% e totalit të urdhëresave të disponueshme (20.8% më e lartë se sa mesatarja e përgjithshme e stacioneve që është 3.4%)¹⁸, kurse kuota e urdhëresave të bartura në vitin 2023 është 12.5% e totalit të urdhëresave të disponueshme të Stacionit (8.6% më e ulët në raport me mesataren e përgjithshme për stacionet që është 21.1%).</p> <p>(c) Sa i përket ngarkesës dhe efikasitetit të realizimit të urdhëresave për polic, një i tillë nga Stacioni ka qenë i ngarkuar mesatarisht me 11.1 sosh (mesatarja për stacione është 7.4 urdhëresa për polic), derisa ka realizuar 63% të tyre (7 nga 11.1 sosh), me të cilat është ngarkuar (përqindja mesatare për polic në stacione është 75.7%, apo duke realizuar 5.6 nga 7.4 urdhëresa të ngarkuara).</p> <p>2.9. Në kuadër të detyrave, zyrtarët policor merren me realizimin e urdhëresave të gjykatave për vepra të ndryshme penale, përfshirë urdhëresat për ekzekutim dënimi (me burg), urdhër arreste (365 ditë), letër rreshtime, urdhëresa për kohë të caktuar (për paraqitje në seanca gjyqësore), urdhëresa për mbikëqyrjen e masave të arrestit shtëpiak dhe urdhëresa tjera. Nga dhjetë (10) dosjet e kontrolluara me urdhër arreste në kohë zgjatje 365 ditë dhe letër rreshtime, të cilat janë parashkuar a tërhequr nga organi kompetent, IPK-ja është interesuar për veprimet e ndërmarra në realizimin e tyre. Inspektimi ka gjetur se në tre (3) nga dhjetë (10) dosje të kontrolluara është hasur nga një (1) veprim i ndërmarrë në realizimin e urdhëresave. IPK-ja nuk ka mundur të jap opinion për kohën mesatare mbi veprimin e parë policor prej momentit të pranimit të urdhëresës së lëshuar nga gjykata, për shkak të mungesës së raporteve policore për veprimet e ndërmarra në dosjet e inspektuara. IPK inkurajon</p>
--	---

¹⁷ Mostrat e inspektuar janë si vijon: 00028995027, 0002938092G, 00028756689, 0003019407P, 0003019389D, 00027951408, 00030614219, 0002795139N, 00028756768 dhe 00028996007.

¹⁸ IPK ka pasqyruar të dhënat nga raportet statistikore rajonale për vitin përkatës dhe krahasimet janë bazuar në raporte të tilla. Por Stacioni ka prezantuar edhe një Raport të vitit 2022, sipas të cilit ka pranuar 632 urdhëresa, ka realizuar 592 sosh, i janë parashkuar 22 urdhëresa të lëshuara nga gjykata kompetente. Të dhënat e këtij Raporti nuk përputhen me të dhënat e Raportit statistikor të drejtorive rajonale (2022), me të cilat është shërbyer IPK-ja.

zyrtarët policor që në të ardhmen të praktikojnë përpilimin e raporteve për veprimet e ndërmarra drejt realizimit të urdhëresave.

2.10. Në të kaluarën është vërejtur se një numër i stacioneve kanë aplikuar heqjen e urdhër arresteve nga SIPK-u nga momenti kur atyre u skadon afati ligjor, derisa disa tjera, tërheqjen e kanë praktikuar pasi të kenë pranuar shkresa mbi tërheqjen, lëshuar nga organi kompetent. IPK është interesuar për përditësimin apo shlyerjen me kohë të urdhëresave nga SIPK-u dhe lidhur me këtë janë inspektuar dhjetë (10) mostra, që u ka kaluar afati prej 365 ditësh nga dita e lëshimit të urdhër arrestit nga gjykata, apo tërheqjen e kanë praktikuar pasi të kenë pranuar shkresa mbi tërheqjen, lëshuar nga organi kompetent. Rezulton se Stacioni pas skadimit prej 365 ditëve të urdhër arresteve, ose të revokimit të tyre, i shlyen me kohë ato nga sistemi SIPK.

2.11. Ligji për Policinë rregullon fushën e përdorimit të forcës dhe armës së zjarrit nga zyrtarët policor, të cilët janë të autorizuar të përdorin forcë, vetëm atëherë kur është e domosdoshme dhe vetëm deri në nivelin që kërkohet për t'i arritur objektivat legjitime të Policisë. Po ashtu, Udhëzimi Administrativ nr. 04/2012 për përdorim të forcës nga zyrtarët policor parasheh edhe raportimin e zyrtarit policor në rastet kur ai përdorë forcën fizike. Në vitin 2021 janë raportuar tre (3) raste të përdorimit të forcës me pesë (5) punonjës të përfshirë, kurse në vitin 2022 janë raportuar dhjetë (10) sosh me 19 zyrtarë të përfshirë. Vërehet shtim i numrit të rasteve të raportuara me përdorim të forcës për 233%. Një polic i Stacionit gjatë vitit 2022 ka arrestuar mesatarisht 5 dhe ka ndaluar 1.8 persona (mesatarja për stacione është 3.9 të arrestuar dhe 1.5 të ndaluar për polic). Fokusi i IPK-së në drejtim të këtij objekti është raportimi në rastet e përdorimit të forcës nga zyrtari policor. Nga pesë (5) dosjet e inspektuara me përdorim të forcës nga zyrtarët policor të Stacionit të Malishevës, del se në të gjitha rastet është plotësuar formulari për përdorim force dhe dosjet kanë njoftimet drejtuar Drejtorisë Rajonale, e cila më pas ia ka drejtuar në kompetencë KSHPF-së për trajtim¹⁹. Rastet e inspektuara janë trajtuar nga KSHPF dhe në gjitha rastet është arsyetuar përdorimi i forcës nga zyrtarët policor me vlerësimin se forca fizike është përdorur në pajtim me Ligjin dhe Udhëzimin.

2.12. PK mbron jetën/pronën, ofron siguri për qytetarët, mbron liritë dhe të drejtat themelore të të gjithë personave, parandalon dhe zbulon veprat penale dhe kryesit e tyre, dhe kryen detyra tjera të parapara me ligj. Gjatë punës, Policia ndalon persona, që i mbanë në qendrat e ndalimit, por të cilëve duhet t'iu respektohen disa të drejta. Prokurori i Shtetit lëshon Aktvendim, për të caktuar masën e ndalimit për periudhën 24/48 orë dhe në bazë të së cilit, zyrtarët policor në qendra të ndalimit, i pranojnë personat e arrestuar aty. I ndaluarit duhet të njoftohet menjëherë nga momenti i vënies në dijeni mbi arsyet e arrestit të përcaktuar në nenin 167 të KPP-së. Sipas nenit 169, i arrestuari ka të drejtë që sipas kërkesës së tij të kontrollohet nga mjeku ose dentisti, sipas zgjedhjes së tij, sa më shpejtë që të jetë e mundur pas arrestimit të tij dhe në çdo kohë gjatë ndalimit. Koha e ndalimit të të dyshuarve të mundshëm nuk duhet të kalojë më shumë se 48 orë nga koha e arrestimit, përveç rasteve kur Gjyqtari i Procedurës Paraprake urdhëron ndryshe, respektivisht sipas nenit 65 të Kodit të Drejtësisë për të Mitur, ndalimi i të miturit nuk mund të kalojë periudhën 24 orë pas kalimit të kësaj periudhe. Nga pesë (5) mostra të kontrolluara në Qendër të Ndalimit del që në gjitha rastet kanë pasur aktvendim mbi ndalimin, të arrestuarit janë njoftuar për arsyet e arrestit, u janë lexuar të drejtat, u është siguruar ushqimi, sipas nevojave u është ofruar kontrolli mjekësor dhe se të njëjtit janë liruar me kohë.

2.13. SIPK është bazë e të dhënave, ku bëhet verifikimi, regjistrimi, evidentimi i të gjitha rasteve, të cilat lajmërohen në Polici. Palët që kanë nevojë për verifikim të të kaluarës kriminale, mund të parashtrajnë kërkesë në stacione/nënstacione policore më të afërta të vendbanimit, apo vendqëndrimit të parashtruesit të kërkesës, tanimë

¹⁹ Mostrat e rasteve me përdorim force: 04/1-08-M/40/2022, 04/1-08-M/35/2023, 01/1-08-M/39/2023, 04/1-08-M/31/2022 dhe 04/1-08-M/29/2022.

edhe në platformën qeveritare e-Kosova. PSO - Verifikimi i të Kaluarës Kriminale parasheh që kërkesa, parashtruesi i të cilës nuk ka të kaluar kriminale duhet realizuar brenda 24 orëve, për ditë pune (verifikimi, konfirmimi, plotësimi dhe lëshimi i vërtetimit). Stacioni në vitin 2021 ka pranuar 3.692 kërkesa nga palët për t'u pajisë me vërtetime të kaluarës kriminale, kurse në vitin 2022 ky numër ka arritur në 3.970. Realizimi i kërkesave është në masën prej 97% për vitin 2021 dhe 99% për vitin 2022 (në vitin 2021 janë realizuar 3.837 kërkesa, derisa në vitin 2022 gjithsej 3.857 sosh). Janë inspektuar dhjetë (10) mostra për të verifikuar respektimin e afatit për lëshim me kohë të vërtetimeve²⁰. Të gjitha mostrat e inspektuara kanë qenë kërkesa nga persona pa të kaluar kriminale, për të cilat, vërtetimet janë lëshuar brenda ditës apo 24 orëve, siç parashihet me Rregullore.

2.14. Planet janë mjet menaxhimi, që lehtësojnë koordinimin e burimeve (njerëzore, financiare, teknike), që të jetë e mundur të arrihen qëllimet dhe objektivat. Në Polici janë disa nivele të përgatitjes së planeve (qendror, rajonal dhe lokal). IPK-ja është interesuar të njihet me planet që janë hartuar në nivel Stacioni. Nëse u referohemi të dhënave nga raportet krahasuese statistikore, përgjatë dy (2) viteve të fundit janë nxjerrë 81, përkatësisht 77 plane operative, nga të cilat IPK ka kontrolluar pesë (5) sosh²¹. Gjetjet vejnë në pah se për të gjitha mostrat ka pasur proces të analizës dhe vlerësimit, të dokumentuar me raport pas operacional. Duke iu referuar të dhënave statistikore mbi veprat penale më serioze, të pasqyruar në Raportin vjetor të punës (2022), rezulton që krahasuar me vitin 2021, në vitin 2022 ka pasur trend të ngritjes së numrit të veprave penale të “lëndimeve të lehta trupore” për 58.8% dhe “dhunës në familje” për 60.4%, derisa trend rënës kanë shënuar veprat penale të “vjedhjeve” për -9.8%, “vjedhjeve të rënda” për -35.8%, “grabitjeve” për -50% dhe “lëndimeve të rënda trupore” për -71.4%. Bazuar në të dhënat e Raportit vjetor (2022) del se janë hartuar plane që adresojnë problemet për veprat dhe incidentet e shpeshta që ndodhin, apo që kontribuojnë drejt parandalimit të tyre. Vihet në spikamë hartimi i planeve operative mbi parandalimin e zbulimin e veprave penale kundër pasurisë, realizimi i të cilave ka pasur efekt pozitiv në uljen e numrit të rasteve të kësaj natyre (vjedhjeve, vjedhjeve të rënda dhe grabitjeve).

2.15. Fokus i inspektimit ka qenë edhe realizimi i planeve dhe njohja me ato që janë në zbatim. Në ditën ku është realizuar inspektimi, Stacioni sipas Orarit të patrullimit ka realizuar aktivitete në zbatim të një mori planesh operative dhe urdhëresash²². Lidhur me zbatimin e aktiviteteve patrulluese në funksion të këtyre planeve operative, janë kontrolluar tre (3) fletë patrulla të ekipeve patrulluese të ndërrimit 23.00-07.00 të datës 30 tetor 2023 dhe nga aktiviteti i tyre është hasur se ka pasur aktivitete në përmbushje të planeve operative.

2.16. PSO - Procedimi i lëndëve dhe kompetencat lëndore të hetimit përcakton se kur patrulla del në vendin e ngjarjes dhe në bazë të informatave vlerëson se nuk ka elemente të veprës penale apo elemente të kundërvajtjes, atëherë patrulla përpilon Shënim Zyrtar për veprimet e ndërmarra në lidhje me informatën dhe e dërgon në operativën e stacionit përmes zinxhirit komandues. Shënimi Zyrtar me shkresa përcjellëse protokollohet dhe arkivohet në operativë, ndërsa informatat në lidhje me këtë Shënim Zyrtar përcillen tek njësia përkatëse (sektor policor, në Njësinë e Hetimeve, Inteligjencë e Stacionit, “nevoja për të ditur PUI”). Për të parë se sa respektohet PSO, IPK ka kontrolluar dhjetë (10) lëndë me Shënim Zyrtar, me fokus nëse: shënimet zyrtare kanë raporte fillestar të incidenteve, janë evidentuar sipas

²⁰ Mostrat: RN-2023-ED-2633, RN-2023-ED-2632, RN-2023-ED-2631, RN-2023-ED-2630, RN-2023-ED-2629, RN-2023-ED-2628, RN-2023-ED-2627, RN-2023-ED-2626, RN-2023-ED-2025 dhe RN-2023-DE-2624.

²¹ Planet operative: “Parandalimi dhe zbulimi i veprave penale kundër pasurisë” (ref. 04/01-08M-O/32/22), “Urdhër kontrolli PP.nr.52/2023” (ref. 05/3-07M-SO-74/2023), “Asistim i Gjykatës Themelore - Gjakovë” (ref. 05/3-07-M-SO-64/2023), “Protesta në Malishevë” (ref. 04/01-08M-O/170/22) dhe “Asistim KEDS-it, datë 24.11.2022” (ref. 04/01-08-M-O/155/2022).

²² Planet në zbatim me Orar ditor të datës 30 tetor 2023: “Siguria në trafikun rrugor 2023”, “Sezoni veror 2023”.

rregullave (protokollimi, arkivimi), janë trajtuar në mënyrën e duhur, rastet që lidhen me shënimet zyrtar ndërlidhen me vepra penale, është konsultuar Prokurori i Shtetit për rastin dhe rastet janë përcjellur te njësia përkatëse²³. Nga kontrollimi i lëndëve rezultoi se asnjëra nga to nuk ka qenë e protokolluar, në nëntë (9) prej tyre mungon raporti fillestar i incidentit. Në konsultim me Prokurorin, këto raste janë vlerësuar se nuk lidhen me vepra penale dhe kanë mbetur me Shënim Zyrtar. Të gjitha rastet e kontrolluara janë regjistruar në SIPK.

3. Parandalimi dhe luftimi i krimit

3.1. Neni 7 i Ligjit për Policinë përcakton se me qëllim të parandalimit e luftimit të krimit dhe për shtimin e sigurisë për të gjitha komunitetet në Republikën e Kosovës, Policia komunikon dhe bashkëpunon me autoritetet e qeverisë lokale, organizatat civile dhe komunitetet lokale. Strategjia për Policim në Bashkësi reflekton zotimin policor dhe përkushtimin në ngritjen e sigurisë në bashkësi me anë të bashkëpunimit dhe bashkërendimit të aktiviteteve me gjithë akterët, që mbulojnë fushën e sigurisë në bashkësi dhe që në mënyrë preventive veprojnë në identifikimin e zgjedhjen e problemeve, që shkaktojnë shqetësime dhe frikë tek qytetarët. Plani i Veprimit në kuadër të objektivave strategjike ka përcaktuar numër të konsideruar aktiviteteve, ku veç tjerash janë përfshirë edhe: organizimi i takimeve për siguri nëpër shkolla, organizimi i takimeve me forume të sigurisë/mediat/OJQ-të, organizatat e ndryshme me qëllim të promovimit të strategjisë në bashkësi, identifikimi i pikave të zeza dhe problemeve në trafik, etj. Informatat e pranuar jo në të gjitha rastet mbështeten me raporte, procesverbale apo evidenca. Edhe Qeveria (MPB) ka nxjerrë Strategjinë Nacionale për Siguri në Bashkësi dhe Planin e Veprimit (2018-2023), ku një ndër akterët e përfshirjes është edhe Policia. Lidhur me angazhimet policore në fushën e policimit në bashkësi, Stacioni pasqyron se:

- Në vitin 2021 janë realizuar dy (2) takime me forumet e sigurisë, po aq edhe në vitin 2022 (në dy vitet janë realizuar nga dy vlerësime për sigurinë e objekteve të trashëgimisë kulturore dhe fetare),
- Në vitin 2021 ka realizuar 388 vizita dhe 15 ligjërata në shkollat²⁴, kurse në vitin 2022 ka realizuar 337 vizita dhe 31 ligjërata në shkollat,
- Në vitin 2021 ka realizuar dy (2) takime me bizneset (kompanitë private të sigurisë fizike), po aq edhe në vitin 2022,
- Në vitin 2021 ka realizuar dy (2) takime me komunitetin kulturor dhe sportiv²⁵, po aq edhe në vitin 2022,
- Në vitin 2021 ka hartuar një (1) raport për kushtet e trafikut dhe pikat e zeza²⁶, po aq edhe në vitin 2022²⁷,
- Në vitin 2021 ka realizuar një (1) inspektim të rrugëve, po aq edhe në vitin 2022²⁸,

²³ Shënime të zyrtare: M-SHZ-2023-141, M-SHZ-2023-143, M-SHZ-2023-144, M-SHZ-2023-145, M-SHZ-2023-146, M-SHZ-2023-147, M-SHZ-2023-148, M-SHZ-2023-149, M-SHZ-2023-150 dhe M-SHZ-2023-151.

²⁴ Ligjëratat kanë pasur në fokus temat: "Bullizmi", "Dhuna në familje" dhe "Dëmtimi i pronës publike".

²⁵ Takimet e organizuara lidhen me manifestimin e "Ditës së Çlirimit dhe të Dëshmorëve të Malishevës", si dhe organizimit të "Krosit me Bicikleta - Java e Lëvizshmërisë".

²⁶ Është identifikuar një lokacion në Fshatin Tërpezë, që ka paraqitur rrezik për pjesëmarrësit në trafik dhe për të cilin është njoftuar Komuna e Malishevës.

²⁷ Inspektimi i rrugës ka identifikuar një lokacion tjetër, po ashtu me rrezik për pjesëmarrësit në trafik dhe për të cilin është njoftuar Komuna e Malishevës.

²⁸ Përveç inspektimeve të rrugëve edhe patrullat policore kanë raportuar për parregullsi rrugore, të cilat ua kanë paraqitur organeve komunale.

	<ul style="list-style-type: none"> - Në vitin 2021 ka realizuar një (1) projekt me komunitetin²⁹, kurse në vitin 2022 ka realizuar katër (4) të tilla³⁰, - Ligjërata mbi aktivitetet e dyshimta lidhur me EDHRT janë realizuar në vitin 2022 dhe atë gjashtë (6) sosh. <p>3.2. Policimi i Udhëhequr nga Inteligjenca është model pune dhe filozofi drejtuese, ku produktet e inteligjencës gjejnë përdorim të gjerë në procesin e vendimmarrjes, e që ka për qëllim parandalimin e reduktimin e krimit, si dhe zgjedhjen e problemit, duke u fokusuar në eliminimin e shkaktarëve, përmes menaxhimit strategjik dhe zbatimit efektiv të strategjive. Informata inteligjente është informatë e thjeshtë, që kalon në disa faza vlerësimi e verifikimi, ku në përfundim kemi produkt inteligjent, përmes të cilit parandalohet apo zgjidhet një problem. PUI nënkupton mbledhjen e informatave inteligjente për të vazhduar me parandalim dhe zgjidhje të problemeve, kështu që policimi në bashkësi do të ishte më efikas e më efektiv. Stacioni në vitin 2021 ka dërguar 126 raporte inteligjente përmes Zyrtarit për Inteligjencë e Analizë, apo përmes tjerë zyrtarëve policor. Kurse, në vitin 2022 janë dërguar 122 informata inteligjente. Performanca e Stacionit në raport me mesataren e përgjithshme për 37 stacionet ve në pah se në vitin 2021 një (1) zyrtar policor ka dërguar mesatarisht 1.7 informata inteligjente, derisa mesatarja e përgjithshme është 2.04 informata. Në vitin 2022, një (1) zyrtar policor ka dërguar mesatarisht 1.9 informata, derisa mesatarja e përgjithshme është 4.24 sosh.</p> <p>3.3. Sipas nenit 10 të Ligjit për Policinë, ndër detyrat e përgjithshme të Policisë janë të parandaloj dhe zbuloj veprat penale dhe kryesit e tyre, si dhe të hetoj veprat penale dhe kryesit e tyre. Bazuar në këto autorizime, stacionet policore kanë detyra të ndara në parandalimin, hetimin e zbulimin e krimit. Nga analiza e suksesit për 37 stacionet, pasqyrohet se ato gjatë vitit 2021 kanë pasur kuotë të zbulueshmërisë të veprave penale në lartësi prej 61.3%, derisa në vitin 2022 kjo kuotë është ngritur në 63.4%. Stacioni Policor i Malishevës, kuotat e tilla i ka pasur në lartësi prej 58.9% për vitin 2021, përkatësisht 66.2% për vitin 2022.</p> <p>3.4. Për të vlerësuar respektimin e rregullave dhe procedurave hetimore, IPK-ja ka kontrolluar kopjet fizike të pesë (5) mostrave³¹ të rasteve të dhunës në familje, që janë proceduar në Prokurori të Shtetit. Në kuadër të rasteve është vlerësuar rregullsia e lëndëve penale, nëse ato përmbajnë veprimet/dokumentet e formularët e nevojshëm lidhur me hetimin e dokumentimin e krimit. Është verifikuar respektimi i disa prej veprimeve paraprake hetimore, përdorimi i formularëve standard brenda rasteve, si dhe regjistrimi i tyre sipas procedurës së regjistrimit të rasteve në regjistrat përkatës:</p> <p>(a) Konform KPP, Stacioni ka ngritur kallëzime penale kundër të dyshuarve për veprën penale “Dhunë në familje”. Të dhënat mbi rastet e marra si mostër janë regjistruar saktë në SIPK, po ashtu dosjet e rasteve janë proceduar në mënyrë elektronike përmes SMIL. Kallëzimet janë dorëzuar në Prokurori së bashku me procesverbalet, raportet dhe format bazike të të dhënave të rasteve. Kallëzimet penale nuk janë nënshkruar konform PSO-Procedimi i lëndëve dhe kompetenca lëndore e hetimit, sipas së cilës, kallëzimet para procedimit nënshkruhen nga hetuesi, mbikëqyrësi i vijës së parë në Sektorin e Hetimeve (rreshteri) dhe përmes tij, nga Shefi i Hetimeve. Në tre (3) nga pesë (5) lëndët³² e marra mostër është gjetur që ato janë nënshkruar nga hetuesi, mbikëqyrësi i vijës së parë në</p>
--	---

²⁹ Në vitin 2021 është realizuar projekti “Bombolat e Gasit Vrasin”, ku janë shpërndarë fletushka vetëdijesimi nëpër bizneset e Malishevës.

³⁰ Në vitin 2022, bazuar në projektin “1 Qershori - Dita Ndërkombëtare e Fëmijëve”, në bashkëpunim me Zyrën për Barazi Gjinore të Komunës, është mbajtur ligjërata në SH.F.M.U “Imer Krasniqi” - Carallukë. Është realizuar dhe projekti “16 ditë aktivizëm kundër Dhunës dhe Barazisë Gjinore”, ku janë shpërndarë fletushka vetëdijesimi.

³¹ Dosjet me numër 2023-ED-566, 2023-ED-459, 2023-ED-508, 2023-ED-158 dhe 2023-ED-513.

³² Dosja me numër 2023-ED-513, 2023-ED-459, dhe 2023-ED-508.

	<p>Sektorin e Hetimeve (rreshteri), Shefi i Hetimeve dhe përmes tij nga Komandanti i Stacionit, në një lëndë tjetër kallëzimi është aprovuar vetëm nga hetuesi i rastit dhe Shefi i Sektorit të Hetimeve³³, kurse tek lënda tjetër³⁴ kallëzimi penal është nënshkruar nga hetuesi i rastit dhe Komandanti i Stacionit, të gjitha këto në kundërshtim me rregullin e përcaktuar në PSO. Lëndët janë proceduar në Prokurori përmes SMIL³⁵ dhe në formë fizike. Është verifikuar procedimi i lëndëve përmes SMIL-it, ku nga lëndët e marra mostër nuk janë evidentuar mangësi në futjen e dokumenteve. Është matur koha mesatare e procedimit të kallëzimeve penale në Prokurori dhe nga mostrat del se rastet janë proceduar mesatarisht për 5.2 ditë.</p> <p>(b) Në dy (2) nga pesë (5) rastet e marra mostër, në proces për trajtimin e viktimave nuk janë përfshirë zyrtarë të QPS-së, kurse në të pestat nuk ka pasur pjesëmarrje të Mbrojtësit të viktimave³⁶.</p> <p>(c) Viktimave të dhunës në familje u është ofruar trajtimi mjekësor, por në tre (3) raste ato kanë shfrytëzuar të drejtën ligjore për ekzaminim mjekësor dhe mbi ekzaminimet janë nxjerrë raporte mjekësore, kurse në rastet e tjera nuk është pranuar ekzaminimi sepse ankuesit/viktimat e kanë vlerësuar të panevojshëm.</p> <p>(d) Sipas procedurave në fuqi, në fazën e veprimeve fillestare, PK vlerëson rrezikun për viktimën e dhunës në familje në prani dhe të Mbrojtësit të viktimave. Lidhur me këtë, si pjesë e vlerësimit të rrezikut, Policia duhet të përgatisë formën bazike të të dhënave për rastin³⁷. Në të gjitha mostrat është vlerësuar shkalla e rrezikut, mirëpo ka munguar në dosje, forma e bazuar në indikatorët përkatës sipas formatit standard të paraparë me PSO.</p> <p>(e) Pakoja informuese për viktimat e krimit, që përmban Kartelën e viktimës me informata dhe këshilla mbi rastin, është obligative që nga viti 2020, që të jetë pjesë e rastit dhe dosjes. Në dosjet e kontrolluara është gjetur që në secilin rast viktimat janë pajisur me Pakon informuese.</p> <p>(f) Në kuadër të kriterëve për kontrollimin e dosjeve është vlerësuar prezenca e Raportit policor brenda dosjes hetimore, që i drejtohet Prokurorit kompetent për njoftim mbi dyshimin e arsyeshem se është kryer vepra penale³⁸. Në tre (3) dosje është gjetur që kallëzimi penal bashkë me raporte policore janë proceduar tek Prokurori brenda 72 orëve, ndërsa në dy (2) raste³⁹ tjera nuk është gjetur njoftim me shkrim brenda afateve të parapara ligjore bazuar në KPP në fuqi.</p> <p>(g) PK ka të hartuar formularët e nevojshëm të punës, të cilët iu shërbejnë zyrtarëve policorë gjatë kryerjes së veprimeve hetimore. Formularët e përdorur brenda dosjeve hetimore janë unik në kuadër të Stacionit dhe ka një standard të caktuar të hartimit të tyre, mirëpo është gjetur që me rastin e ndryshimeve ligjore të njëjtit nuk janë harmonizuar me aktet ligjore në fuqi (KPP i ri).</p> <p>(h) PK-ja luan rol me rëndësi në mbrojtjen dhe respektimin e lirive dhe të drejtave</p>
--	---

³³ Dosja me numër 2023-ED-566.

³⁴ Dosja me numër 2023-ED-158.

³⁵ Kur përfundon hetimi, hetuesi duhet të dërgoj lëndën për nënshkrim tek Mbikëqyrësi i vijës së parë në Sektorin e Hetimeve dhe përmes tij tek Shefi i Hetimeve. Më tutje, PSO përcakton se pas procedurave të lartcekura, hetuesi lëndën e regjistron në modulën për Sistemin SMIL dhe e përcjellë në Prokurorinë e Shtetit.

³⁶ Sipas Ligjit Nr. 03/L-182 për Mbrojtje nga Dhuna në Familje, Mbrojtësi i viktimave është personi i autorizuar zyrtar, i cili ndihmon drejtpërdrejtë palën e dëmtuar që nga kontaktet e para me organet kompetente të mbrojtjes, këshillon, inicion procedurat për caktimin e masave të mbrojtjes, është i obliguar të marr pjesë në të gjitha seancat gjyqësore, të monitorojë mbarëvajtjen e procesit gjyqësor.

³⁷ Kapitulli 5.2 i Procedurave Standarde të Veprimit për Mbrojtje nga Dhuna në Familje në Kosovë, faqe 33.

³⁸ Sipas nenit 71, paragrafi 6 të KPP-së, posa Policia të pranoj kërkesën për ndjekje penale nga pala e dëmtuar ose posa të njoftohet se një vepër penale, e cila ndiqet sipas detyrës zyrtare është kryer, tentuar, është duke u kryer apo do të kryhet së shpejti, është e detyruar që menjëherë të njoftojë Prokurorin e Shtetit dhe t'i dorëzojë raport policor brenda 72 orëve.

³⁹ 2023-ED-513 dhe 2023-ED-459.

	<p>themelore të njeriut⁴⁰. IPK ka vlerësuar respektimin e të drejtave në procedurë paraprake, gjatë marrjes në pyetje të të dyshuarve dhe dëshmitarëve. Deklaratat janë nënshkruar nga palët, ato përmbajnë të drejtat e personave të intervistuar, mirëpo nuk janë harmonizuar me ndryshimet ligjore janë në fuqi.</p> <p>(i) Gjatë trajtimit të rasteve të dhunës në familje sipas procedurave standarde, stacionet policore duhet që viktimat t'i intervistojnë në hapësira të përshtatshme të cilat ofrojnë komoditet dhe janë më të pranueshme sidomos në rastet kur viktimë janë personat të mitur. Këto hapësira duhet të jenë të pajisura me orendi dhe dekorim të brendshëm në mënyrë që të kryhen intervista në mjedise miqësore dhe të sigurta për viktimat e dhunës në familje. Stacioni nuk ka "dhomë mike", hapësirë kjo që do të ofronte një ambient të përshtatshëm për këtë kategori të ndjeshme të viktimave të rasteve të dhunës në familje.</p> <p>(j) PK gjatë zhvillimit të procesit hetimor ndaj personave të përfshirë si të dyshuar në ushtrimin e dhunës në familje, kur të njëjtit dyshohet të jenë nën ndikim të alkoolit duhet t'u bëhet matja e promilëve në gjak përmes alkool testit dhe të evidentohet në raport. Gjatë inspektimit, është gjetur që në lëndën 2023-ED-158, PK nuk ka arritur të përmbushë këtë obligim për të dëshmuar se si rezultat i abuzimit me alkool, i dyshuari ka shkaktuar dhunë në familje, rrethanë kjo e rëndësishme për rastin. Mos përmbushja e këtij veprimi ka ardhur nga mungesa e alkool testit. Alkool testet janë dorëzuar për kalibrim më 09.03.2023, kurse për të njëjtat AMK⁴¹ më 18.05.2023 ka lëshuar certifikatë kalibrimi.</p> <p>3.5. Dhoma e dëshmime është e vendosur në katin e dytë brenda objektit të Stacionit. Dëshmitë pranohen në Zyrën e Përgjegjës të Dhomës dhe e njëjta është e ndarë nga zona e deponimit të dëshmime. Hapësira brenda Dhomës plotëson mjaftueshëm nevojat për të deponuar dëshmitë. Muret, dyshemeja dhe tavani i Dhomës janë të rezistueshme ndaj sulmeve eventuale nga jashtë. Dera është e punuar nga materiali i fortë, kapëset nyjore të saj janë të vendosura nga pjesa e brendshme e derës dhe të njëjtat janë siguruar. Çelësat rezervë ruhen në zarfe të mbyllura në vend të sigurt (tek Komandanti). Dhoma nuk ka dritare. Dhoma është e pajisur me aparat për fikjen e zjarrit, me afat të skaduar. Dhoma ka të instaluar sistemin e alarmit kundër hyrjes së paautorizuar, funksionaliteti i të cilit është testuar gjatë inspektimit. Dhoma ka të instaluar detektorët e tymit (nuk është testuar për të ditur nëse i sistemi funksionon). Sistemi i ventilimit dhe kondicionimit është funksional, kurse nuk ka sistem të ngrohjes së hapësirave të Dhomës. Dhoma u siguron qasje të kufizuar personave që e vizitojnë atë. Çdo hyrje e personelit tjetër regjistrohet në Regjistër të qasjes në këtë Dhomë. Kjo Dhomë është e monitoruar me kamera të sigurisë, në to nuk ka qasje zyrtari përgjegjës i Dhomës së dëshmime. Dhoma ka frigorifer për ruajtje të dëshmime biologjike. Në Dhomën e dëshmime nuk mbahen të deponuara dëshmi të rrezikshme si eksploziv, materie radioaktive, mjete zjarrëvënëse, materie helmuese apo ndonjë materie kimike të natyrës së dëmshme.</p> <p>3.6. Sipas rregullit, çdo lëvizje e sendit a dëshmisë duhet të regjistrohet në Regjistër dhe data bazë, dhe për të njëjtën duhet bashkëngjitur kopja e raportit të ekzaminimit, e cila duhet të ruhet në dosjet e Dhomës së dëshmime⁴². Në të gjitha rastet mostër</p>
--	---

⁴⁰ Bazuar në nenin 122 të KPP-së, në fillim të marrjes në pyetje në procedurë paraprake, hetuesi i autorizuar nga Prokurori i Shtetit, para marrjes në pyetje i lexon dëshmitarit apo të dyshuarit paralajmërimet mbi të drejtat e rezervuara me Ligj dhe i njëjti duhet të konfirmoj me shkrim mbi të kuptuarit e të drejtave të lexuara nga hetuesi.

⁴¹ AMK mes tjerash është e përgjegjëse edhe: për të mbrojtur konsumatorët nëpërmjet organizimit të kontrollit të instrumenteve matës në fushat e transaksioneve zyrtare dhe tregtare, mbrojtjen e shëndetit, mjedisit dhe sigurisë teknike; si dhe kontrollin sasior të para paketimeve, si dhe për të ofruar shërbime të kalibrimit prodhuesve dhe përdoruesve të mjeteve matëse për të qenë konkurrues në tregun e brendshëm dhe të jashtëm.

⁴² PSO - Dhomat e dëshmime në pikën E, paragrafi 17 dhe 18 rregullon që çdo lëvizje e sendit apo dëshmisë, të dorëzuar në gjykatë apo njësi tjetër, që i është kthyer pronarit apo personit të autorizuar, regjistrohet në Regjistër dhe në bazën e të dhënave. Në rast se sendi dhe dëshmia është dorëzuar për ekzaminim/analiza në laboratorin kriminalistik, kjo lëvizje regjistrohet në Regjistër të dëshmime dhe data bazë. Në rast kur dëshmitë me urdhëresë

	<p>janë evidentuar lëvizjet e dëshmisë në mënyrën e duhur në Regjistër fizik, kurse në databazë elektronike nuk janë evidentuar këto lëvizje. Dëshmitë e deponuara të pesë (5) rasteve të inspektuara kanë pasur të bashkëngjitur zinxhirët e ruajtjes. Të dhënat për dëshmitë e deponuara qenë të plotësuar në Librin fizik dhe në bazë elektronike. Numri i dëshmime fizike (artikujve) me informatat në Regjistrin e dëshmime⁴³ dhe zinxhirët e ruajtjes për pesë (5) mostrat ka qenë në përputhje. Originali i formës së zinxhirit të ruajtjes duhet të mbetet në Dhomë të dëshmime së bashku me sendin/dëshminë, ndërsa kopja në dosjen e dëshmisë⁴⁴. Rezulton se zinxhirët e ruajtjes në origjinal mbahen në Dhomën e dëshmime, kurse një kopje e tyre ruhet në një vend të dytë brenda Dhomës.</p> <p>3.7. IPK ka vlerësuar mënyrën e ruajtjes dhe evidentimit të sendeve të sekuestruara. Gjetjet kryesisht rezultojnë pozitive dhe pasqyrojnë harmoni me kriteret e ruajtjes dhe evidentimit të sendeve. Vendosija dhe paketimi i dëshmime të inspektuara në të gjitha rastet është bërë duke iu përshtatur specifikave të tyre. Dëshmitë e inspektuara janë hasur të siguruar me shirit bllobues. Armët e zjarrit janë deponuar në Dhomë, të ndara nga dëshmitë tjera (brenda zonës së njëjtë të deponimit). Zyrtari përgjegjës i Dhomës mbanë evidencë për sistemin e numrit, emërtimin e raftit dhe udhëzimin se ku gjenden dëshmitë apo sendet e deponuar. Zyrtari përgjegjës ka qenë i gatshëm për të identifikuar dëshmitë në kohë të shkurtër. Zyrtari përgjegjës mbanë evidencë në Librin e dëshmime dhe në data bazën elektronike lidhur me dëshmitë.</p> <p>3.8. Me qëllim të ushtrimit të kontrollit adekuat, duke bërë rishikim formal periodik dhe verifikues për të vërtetuar korrektësinë e rrjedhën e punës, verifikim të pranisë së sendeve e dëshmime të mbajtura në Dhomë të dëshmime në krahasim me regjistrat, dhe të vlerësohet rrjedha e punës duke shikuar përmbushjen e procedurave, aspektin e sigurisë e kushtet e punës së zyrtarëve policor, organi kompetent duhet të realizojë inventarizim⁴⁵, revizion⁴⁶ dhe inspektim⁴⁷ në Dhomën e dëshmime. Për vitin 2021 është kryer inventarizimi në Dhomën e dëshmime dhe lidhur me këtë është prezantuar raporti, kurse për vitin 2022 nuk është pasqyruar të jetë realizuar inventarizimi. Revizionet në Dhomën e dëshmime në vitet 2021, 2022 dhe 2023 janë gjetur të kryera nga një (1) herë në secilin vit dhe janë dëshmuar me raporte. Në vitin 2021, 2022 dhe 2023 nuk është prezantuar asnjë raport i kontrollit inspektues në këtë Dhomë.</p>
--	--

kërkohen nga Gjykata - Prokuroria, dorëzohen për ekzaminim/analiza apo ri-ekzaminim në laborator, kjo regjistrohet në Regjistër dhe data bazë, dhe për të njëjtën duhet të bashkëngjitet kopja e raportit të ekzaminimit, e cila duhet të ruhet në dosjet e dhomës së dëshmime.

⁴³ PSO - Dhomat e dëshmime, pika G, paragrafi 3 përkufizon se “regjistri i dëshmime është një regjistër (formular apo libër) për regjistrimin e të gjitha dëshmime të konfiskuara apo provave të gjetura, të vjedhura etj. Të gjitha dëshmitë të cilat gjenden të deponuara në dhomë duhet të regjistrohen në regjistër të dëshmime.

⁴⁴ PSO - Dhomat e dëshmime, pika G, paragrafi 2 përkufizon se “zinxhiri i ruajtjes së sendit, pasurisë, provës apo parasë së gjetur është dokument apo formular i domosdoshëm që evidenton - prezanton konfiskimin, praninë-dorëzimin, ekzaminimin, lëvizjet, vendosjen dhe ruajtjen e sendeve dhe dëshmime, si dhe prezencën apo qasjen e zyrtarëve policor”.

⁴⁵ Revizioni është rishikim formal periodik dhe verifikues për të vërtetuar korrektësinë dhe rrjedhën e punës. Revizion i duhur është një inspektim i paanshëm i parimeve, procedurave dhe veprimeve për ta përcaktuar nëse apo jo, janë përcjellë standardet. Revizioni bëhet në bazë të një plani, i jashtëzakonshëm, kur ka informata se ka thyerje të integritetit të sistemit dhe kur kemi ndërrim të personelit.

⁴⁶ Inventarizimi është regjistrim dhe verifikim i pranisë së sendeve e dëshmime të mbajtura në Dhomë të dëshmime në krahasim me regjistrat. Zyrtari policor i sendeve dhe dëshmime duhet të kryej një inventarizim komplet së paku një herë në vit, çdo herë që ka ndërrim të personelit, apo me kërkesë të organit kompetent.

⁴⁷ Inspektimi është shikim apo këqyrje e punës, që duhet të jetë i shpejtë, joformal, zakonisht i paparalajmëruar, rishikim i procedurës, regjistrat, nëse Dhomat e dëshmisë është e pastër dhe në rregull, shëndeti i zyrtarit policor dhe siguria e tij, dëshmia e dorëzuar në mënyrë të rregullt, si dhe procedura standarde e operimit, a janë përfillur. Inspektimi periodik është menduar për të plotësuar e mbështetur revizionin e rregullt dhe inventarizimin e rregullt.

4. Kushtet teknike të punës dhe të sigurisë

4.1. Stacioni ka tetë (8) automjete, nga të cilat, gjashtë (6) në gjendje funksionale (75%) dhe dy (2) të tjera jashtë funksionit (25%). Nga një inspektim i realizuar në vitin 2022 në Flotën Operative të PK-së, IPK-ja ka kryer analiza, që kanë pasqyruar se një (1) automjet zyrtar mesatarisht ka qenë në dispozicion të nëntë (9) punonjësve policor. Edhe në Malishevë, një (1) automjet mesatarisht ka qenë në dispozicion të nëntë (9) punonjësve. Automjetet e Stacionit kanë mesatarisht 6.1 vjet jetëgjatësi, moshë kjo më e re krahasuar me moshën e përgjithshme të Flotës së automjeteve të Policisë (11 vjet). Sa i përket amortizimit teknik, automjetet policore kanë të kaluar mesatarisht nga 239.515 km, që paraqet shkallë më të lartë amortizimi në raport me mesataren e përgjithshme të Flotës Operative të PK-së, automjetet e së cilës nga matjet e vitit të kaluar kanë pasur mesatarisht nga 217.640 km të kaluara.

4.2. Udhëzimi Administrativ nr. 03/2008 për Përdorimin e Automjeteve të Qeverisë së Kosovës në nenin 6 dhe 7 ka përcaktuar detyrat e përgjegjësive në kontrollimin e automjeteve para përdorimit. Edhe Doracaku i Parimeve e Procedurave, në Parimin P-10.01 lidhur me shfrytëzimin e automjeteve, ka përcaktuar përgjegjësitë e detyrat e mbikëqyrësve/përdoruesve të automjeteve në mirëmbajtjen ditore sipas formularit të listës së verifikimit të automjetit. Nga inspektimi i automjeteve rezultojn se para përdorimit, zyrtarët policor jo në të gjitha prej tyre kanë kryer kontroll vizual të tyre dhe verifikim të prezencës së pajisjeve brenda automjeteve sipas formularit standard të kontrollit të pajisjeve⁴⁸. Nga pesë (5) automjete të inspektuara (Police-036-09, Police-105-05, Police-175-06, Police-016-09, Police-031-09), për tre (3) nga to ka pasur formular të kontrollimit të automjetit, ndërsa për dy (2) të tjera nuk ka pasur të plotësuar formular të tillë (Police-105-05 dhe Police-175-06). Kurse, sa i përket kontrollit të automjeteve nga ana e drejtuesve apo përgjegjësi nga radhët e Stacionit, nuk është hasur ndonjë raport që siguron se bëhet kontrollimi i tillë.

4.3. Sipas nenit 39 të Ligjit nr. 05/L-132 për Automjete, në mënyrë që të marrin pjesë në trafik rrugor, mjetet duhet të jenë të jenë të regjistruara dhe të posedojnë certifikatë të regjistrimit të mjetit valide, ose leje valide për ngasje provuese, të jetë i shënuar me targë regjistrimi ose targa provuese të vendosura për identifikim të mjetit. Janë kontrolluar dokumentacionet e automjeteve në funksion dhe është hasur se ato nuk kanë pasur librezat e regjistrimit dhe policat e sigurimit, në përjashtim të automjetit Police-036-09, i cili është kompletuar me dokumentacionin përkatës dhe është i këtij viti (2023). Pra, nga pesë (5) automjete të kontrolluara, katër (4) prej tyre janë pa dokumentacion, por që të gjitha kanë qenë në lëvizje.

4.4. Udhëzimi Administrativ nr. 02/2008 për Përdorimin e Automjeteve të Qeverisë së Kosovës obligon çdo drejtues të automjetit zyrtar që në Fletë udhëtim të shënojë numrin e kilometrave të automjetit në momentin e nisjes, destinacionin e udhëtimit, qëllimin e udhëtimit, numrin e kilometrave të kaluara në momentin e kthimit dhe nënshkrimin e përdoruesit. Sa përket kësaj fushe, Udhëzimi respektohet plotësisht pasi fletë udhëtimet plotësohen rregullisht dhe përmbajnë të dhënat e nevojshme.

4.5. PSO për Flotën Operative përcakton që “mbikëqyrësi i secilës njësi që posedon automjete, duhet të sigurohet që ato të pastrohen në mënyrë periodike, jashtë dhe brenda, që t’i mirëmbahet pamja”. Inspektimi vë në pah se kjo pikë nuk zbatohet, meqë automjetet janë hasur të pa pastra, si brenda ashtu dhe jashtë, në mungesë të shërbimeve të pastrimit, meqë kontrata për autolarje ka skaduar me 01.08.2023.

4.6. Bazuar në nenin 207 të Ligjit nr. 05/L-088 për Rregullat e Trafikut Rrugor, automjeti i udhëtarëve, kamioni dhe autobusi gjatë qarkullimit të tyre në trafikun rrugor duhet t’i posedojnë pajisjet rezervë dhe shtesë, si: poçet rezervë, kutinë e ndihmës së parë, trekëndëshin e sigurisë, pajisjen për tërheqje të mjetit në defekt,

⁴⁸ IPK ka siguruar formularët standard të kontrollimit të automjeteve të ditës kur edhe është realizuar inspektimi.

	<p>jelekun reflektues, ndërsa aparatin për fikje të zjarrit në rastet kur përdorimi i tij parashihet me ligj. Pajisjet duhet të jenë të kompletuara dhe me afat të përdorimit. Sipas nenit 203 të Ligjit, shoferi gjatë drejtimit të mjetit duhet t'i mbaj me vete mes tjerash, certifikatën e regjistrimit, policën e sigurimit, si dhe Raportin Evropian të Aksidentit. Sipas nenit 26 të Udhëzimit Administrativ (MI) nr. 01/2018 për Kontrollimin Teknik të Automjeteve, kontrollimi i pajisjeve rezervë dhe shtesë të automjetit përfshinë: çelësin e rrotave, ngritësen mekanike - hidraulike, gomën rezervë, aparatin e fikjes së zjarrit, trekëndëshin, ndihmën e parë, dritat rezervë, pajisjet e dimrit-zinxhirët. IPK ka pasur fokusin te Lista e pajisjeve të paraparë me legjislacionin e lartshënuar dhe inspektimi i automjeteve⁴⁹ nxjerrë në pah se:</p> <ol style="list-style-type: none"> Katër (4) nga pesë (5) automjetet e inspektuara nuk kanë certifikatë regjistrimi, si dhe policën e sigurimit. Të pesë (5) automjetet e inspektuara nuk kanë Raportin Evropian të Aksidentit. Një automjeti (105-05) i mungon trekëndëshi i sigurisë dhe dritat rezervë. <p>4.7. Inspektorët kanë verifikuar masat e sigurisë brenda dhe jashtë Stacionit, si faktor me rëndësi për të siguruar burimet, pronën dhe palët. Sa i përket masave të sigurisë:</p> <ol style="list-style-type: none"> Objekti mbulohet me sistem monitorimi përmes kamerave 24/7, rrezja e të cilit mbulon perimetrin e jashtëm dhe të brendshëm të tij⁵⁰. Sistemi mbikëqyret nga një dhomë e ndarë përmes monitorit, kurse administrohet nga DTIK-u, Porta para hyrjes së përparme të objektit të Stacionit është e mbuluar me policin statik, i cili komunikon me palët dhe i orienton ata. Në hyrje të objektit një polic pranon palët dhe evidenton hyrje - daljet në Regjistrin përkatës, Stacioni posedon magnetometrën me të cilin bëhet kontrolli fizik i personave që hyjnë në stacion, ndërsa mungon skaneri. Aparatet për fikjen e zjarrit janë vendosur në pika kyçe të objektit, por janë me afat të skaduar (02.07.2020)⁵¹, Stacioni ka vend të ndarë për zbrazje të sigurt të armës afër hyrjes, Higjiena brenda dhe jashtë Stacionit është e nivelit të dëshiruar. Stacioni ka Planin Operativ - Evakuimi nga Objekti Policor, Planin Operativ - Evakuimi nga Qendra e Ndalimit, si dhe Planin e Përgjithshëm për Reagim Emergjent në Fatkeqësi të Ndryshme, që inkorporon 18 plane tjera operative emergjente⁵². <p>4.8. Qendra e Ndalimit në Stacion ka Pesë (5) qeli me tetë (8) shtretër. Lidhur me kushtet fizike dhe të sigurisë është vërejtur se brenda Qendrës së Ndalimit:</p> <ol style="list-style-type: none"> Ka sistem funksional të monitorimit që përdoret për të monitoruar të ndaluarit⁵³ (rrezja e monitorimit të 9 kamerave mbulon qelitë dhe korridorin). Monitorimi realizohet përmes monitorit, që përcillet nga Zyrtari në Qendër të Ndalimit,
--	--

⁴⁹ Automjetet: Police-104-08, Police-187-05 dhe Police-207-04.

⁵⁰ Neni 76 i Ligjit nr. 06/L-082 për Mbrojtjen e të Dhënave Personale përcakton që personat në sektorin publik mund t'i instalojnë sistemin e vëzhgimit me kamera për vëzhgim të objektit nëse konsiderohet e nevojshme për sigurinë e njerëzve dhe pasurisë.

⁵¹ Ligji për Sigurinë dhe Shëndetin në Punë në nenin 13 parasheh që punëdhënësi të siguroj numër të mjaftueshëm të aparateve për fikjen e zjarrit, të njëjtat të jenë me mbushje adekuate sipas llojit të shkaktarit të zjarrit. Këto duhet të vendosen në vende të përshtatshme, të jenë në gjendje të rregullt dhe të rimbushen në afate të caktuara.

⁵² Planet tjera adresojnë reagimin në raste të tërmeteve, rrëshqitjeve të dheut, shkatërrimit të digave, fatkeqësive në xeherore, vërshimeve, borës dhe ngricave, erërave të dhunshme, temperaturave ekstreme, fatkeqësive teknike industriale, zjarreve të hapura, kolapseve në sistemin e energjisë, transportit të materieve të rrezikshme, fatkeqësive në transportin kolektiv rrugor, fatkeqësive në transportin hekurudhor, fatkeqësive në transportin ajror, tubimeve publike, tubimeve spontane/trazirave publike dhe kërcënimeve me bomba apo mjete tjera eksplozive.

⁵³ PSO-Qendrat e Ndalimit në Policinë e Kosovës në kapitullin E (Detyrat dhe përgjegjësitë), paragrafi 9 përcakton që çdo zyrtar policor në Qendrën e Ndalimit obligohet që përmes kamerave dhe në mënyrë vizuale të monitorojë dhe të kujdeset për sjelljet e të ndaluarit e posaçërisht kur vëren shqetësime që i paraqiten personit të ndaluar.

- b) Ndrëimi natyral dhe ai natyral janë mesatarisht të mjaftueshëm⁵⁴,
- c) Nuk ka ajrosje të mjaftueshme dhe ka kundërmim aromash të rënda, si rezultat edhe i mureve të dëmtuara nga lagështia që është prezent aty,
- d) Ka detektorë të tymit,
- e) Lavamanët janë teknikisht në gjendje të mjerueshme (jofunksionale),
- f) Nuk ka mjete që mund të paraqesin burim kërcënimi të jetëve të ndaluarve,
- g) Higjiena është në nivel të dëshiruar, mbulesat dhe shtrërit janë hasur të pa pastër,
- h) Janë hasur regjistrat, si: Libri i vizitorëve, Forma e regjistrimit për furnizim me ushqim, Regjistri i pranimit - dorëzimit të detyrës dhe Regjistri për personat e ndaluar në Qendër të Ndalimit⁵⁵,
- i) Ka sirtar metalik për ruajtjen e pronës së të dyshuarve që siguron që prona ruhet në mënyrë të sigurt.
- j) Nuk është vërejtur nga evidencat që kjo Qendër të jetë vizituar nga persona të pa autorizuar,
- k) Ushqimi për të ndaluarit sigurohet nga operatori ekonomik "Sofra Hasi" që i ka besuar furnizimet tek nënkontraktori - Restorant "Hamburger Hoti",
- l) Nuk janë hasur shenja të konsumimit të duhanit,
- m) Personeli përgjegjës përkujdeset që të ndaluarit të mos kenë qasje në lidhëset e mbathjeve të tyre.

4.9. Mjetet e punës janë faktorë me rëndësi për punë profesionale e të suksesshme. Stacioni Policor në Malishevë ka pasqyruar disa vështirësi lidhur me funksionimin e pajisjeve të kontraktuar (fotokopje), problem ky që sipas menaxhmentit po ndikon negativisht në aktivitetet administrative. Stacioni ka pasqyruar se ka këtë gjendje me pajisje:


- Fotokopje - pesë (5) copë (1 funksional),
- Printer - dhjetë (10) copë (5 funksional),
- Kompjuter - 32 copë (funksional),
- Llap top - dy (2) copë (funksional),
- Pajisje për matje të shpejtësisë së lëvizjes së mjeteve - një (1) copë (funksional),
- Alkool teste - një (1) copë (funksional).

4.10. Rregullorja (MF) nr. 02/2013 për Menaxhimin e Pasurisë Jo Financiare në Organizatat Buxhetore në nenin 18 përcakton që inventarizimi bëhet me qëllim të vërtetimit të saktësisë, cilësisë dhe gjendjes fizike të pasurisë jo financiare. Kjo Rregullore përcakton tutje se organizatat buxhetore duhet të kontrollojnë së paku njëherë në vit pasurinë jo financiare për të vërtetuar dhe vlerësuar gjendjen faktike të pasurisë jo financiare. Procesi i inventarizimit është organizuar nga niveli qendror por është realizuar nga niveli rajonal dhe Stacioni. Për vitin 2022, është nxjerrë Raporti i inventarizimit të Komisionit tre anëtarësh (23.12.2022), kurse nga Stacioni i Malishevës procesi i inventarizimit është kryer më 09.12.2022.

4.11. Rregullorja në fjalë përcakton që të gjitha organizatat buxhetore obligohen që të marrin masat e nevojshme për dokumentimin, ruajtjen, evidentimin, tjetërsimin dhe raportimin e pasurisë jo financiare me qëllim të menaxhimit më efektiv, efikas dhe ekonomik, me qëllim të mbrojtjes së pasurisë jo financiare nga dëmtimi dhe keqpërdorimi. IPK-ja ka verifikuar prezencën fizike në raport me Listën e pajisjeve

⁵⁴ PSO-Qendrat e Ndalimit në Policinë e Kosovës në kapitullin D (Procedura), paragrafi 1.8 përcakton që të gjitha dhomat në Qendrat e ndalimit duhet të jenë të pastra, të një madhësie të arsyeshme për numrin e personave të akomoduar dhe të kenë ndriçim të duhur (d.m.th. të mjaftueshme sa për të lexuar, pa përjashtuar periudhat e gjumit) dhe ajrosje/ventilim: mundësisht, dhomat duhet të kenë dritë natyrale.

⁵⁵ PSO-Qendrat e Ndalimit në Policinë e Kosovës në kapitullin E (Detyrat dhe përgjegjësitë), paragrafët 4, 5, 6 dhe 7 përcaktojnë obligimin që Qendrat e ndalimit të kenë Librin për evidentimin e personave të ndaluar (A3), Librin për evidentimin e vizitorëve apo ekipeve monitoruese (A3), Librin për pranimin - dorëzimin e detyrës nga zyrtarët policor (A3) dhe Regjistrin për furnizim me ushqim për të ndaluarit në Qendër të ndalimit.

	<p>- inventarit në tre (3) zyra të Stacionit (4, 6 dhe 7). Zyrat kanë ekspozuar Listat e pasurive në vende të dukshme dhe të dhënat brenda tyre mbështeten nga prezenca e pajisjeve dhe inventarit brenda zyrave.</p>
<p>Vlerësimi i përgjithshëm (përfundime)</p> 	<p>1. Organizimi dhe burimet njerëzore:</p> <ol style="list-style-type: none"> 1.1. Stacioni ka vënë në zbatim organizimin sipas Strukturës së re, por sistemimi i personelit vë në pah disa dobësi që lidhen me tejkalimin e numrit të zyrtarëve policor në ekipe patrulluese, ushtrim të pozitës me gradë jo adekuate, si dhe vendosjet e personelit nuk janë mbështetur me vendime të reja të punës. 1.2. Stacioni mbanë të plotë Regjistrin e vijueshmërisë në punë të personelit, të dhënat e të cilit përputhen me gjendjen apo prezencën fizike të tij në ditën e inspektimit. 1.3. Ka disa vërejtje sa i përket mbajtjes complete të pajisjeve policore në orar të punës, por ka edhe mungesë të radio-lidhjeve. 1.4. Në stacion respektohet standardi i uniformës zyrtare dhe i dukjes personale. Janë evidentuar shqetësime nga radhët e personelit, sa i përket furnizimit me veshmbathje zyrtare. 1.5. Kontrollat e pajisjeve janë të rregullta dhe për to hartohen raporte. 1.6. Armëve dhe municionit u kushtohet kujdes i duhur sa i përket mirëmbajtjes, spreji është hasur me afat të skaduar, derisa jelekët janë hasur me afat. 1.7. Shkalla e përfshirjes së personelit në trajnime të brendshme brenda regjionit është e lartë, por numri i orëve të ndjekura mbetet larg planifikimit. Kuota e përfshirjes së personelit në Trajnim të Ricertifikimit nuk është e kënaqshme. 1.8. Përfshirja e hetuesve në trajnime profesionale për hetim të krimit, trajtimin e dhunës në familje dhe teknikë kriminalistike është e kënaqshme. Nevojitet përfshirje e zyrtarëve të Qendrës së mbajtjes në trajnime të fushës përkatëse. 1.9. Shkeljet e lehta disiplinore në nivel të Stacionit janë trajtuar me kompetencë, sipas procedurës dhe brenda afateve kohore të trajtimit. 1.10. Vlerësimi i performancës në punë është kryer në të gjitha mostrat, brenda afatit dhe sipas formularit standard. <p>2. Operativa:</p> <ol style="list-style-type: none"> 2.1. Logu operacional azhurnohet kënaqshëm si rezultat i përkushtimit të stafit të Bazës së Radio-komunikimit, mbikëqyrësve e njësisve reaguese policore, me nevojën për ngritjen e mëtejme të cilësisë së tij. 2.2. Stacioni ka kohë të kënaqshme mesatare të reagimit në thirrjet e qytetarëve, megjithëse sivjet ka pasur zgjatje të kësaj kohe krahasuar me vitin paraprak. 2.3. Varësisht prej niveleve drejtuese dhe operative, Stacioni kryen raportimet e nevojshme mbi aktivitetet policore. 2.4. Procedimi i rasteve me raporte fillestare të incidenteve ka ndjekë procedurën dhe afatet e adresimit (procedimit), me disa vërejtje sa i përket protokollimit dhe nënshkrimit të tyre. 2.5. Patrullat janë hasur duke patrulluar në lokacionet sipas Orarit ditor dhe me përbërje të plotë konform Planit. 2.6. Me gjithë se në vitin e fundit ka pasur një trend rënës të aktivitetit patrullues krahasuar me vitin paraprak, patrullimet me automjet dhe pikë kontrollat janë në parametra të kënaqshëm në raport me mesataren e përgjithshme të stacioneve, në përjashtim të patrullimeve në këmbë. Pasqyrohet një aktivitet i shtuar në gjatësinë e shkelësve të rregullave të trafikut rrugor. 2.7. Nga mostrat që kanë rezultuar me konfiskim të patentë shoferëve, me masë mbrojtëse dhe me pikë negative, rezulton se ato janë regjistruar në evidencë

elektronike, por jo edhe në atë fizike. Gjobat janë shqiptuar të plota konform ligjit në fuqi. Dosjet mbi konfiskimet e patentë shoferëve konsiderohen jo të plota dhe nuk janë sistemuar si duhet.

- 2.8. Kuota e realizimit të urdhëresave është nën nivelin mesatar të stacioneve, të përcjellë me një përqindje të lartë të urdhëresave të bartura dhe atyre të parashkuara. Evidenca mbi numrin e urdhëresave të bartura dhe atyre të mbetura është në përputhje. Stacioni ka prezantuar edhe një evidencë të dytë, të dhënat e të cilës nuk përputhen me ato të Raportit statistikor të Drejtorisë Rajonale (2022).
- 2.9. Lidhur me vizitat tek palët e kërkuara me urdhëresa, ka mungesë shënimesh mbi numrin e veprimeve, andaj edhe nuk pasqyrohet sa duhet puna e bërë në ekzekutimin e urdhëresave.
- 2.10. Të gjitha mostrat e urdhëresave që u kanë skaduar afatet, apo për të cilat ka pasur njoftime mbi tërheqjen (revokimin), janë shlyer me kohë nga SIPK-u.
- 2.11. Numri i të arrestuarve dhe ndaluarve në raport me numrin e policëve, jep indikacione së përdorimi i forcës është në nivel të pranueshëm, me gjithë faktin se në vitin e fundit ka pasur ngritje të numrit të rasteve të përdorimit të forcës, krahasuar me vitin paraprak.
- 2.12. Dosjet e ndalimit janë në harmoni me ligjin dhe ndaj personave të ndaluar janë respektuar të drejtat e përcaktuara me ligjin në fuqi.
- 2.13. Stacioni është azhur në verifikimin e kërkesave të palëve që kanë aplikuar për të kaluarën kriminale (vërtetimet).
- 2.14. Janë përpiluar kënaqshëm plane që adresojnë shqetësimet e qytetarëve, apo që i kontribuojnë ngritjes së situatës së sigurisë. Për realizimin e planeve ka pasur procese të analizës - vlerësimit pas operativ të dëshmuara me raporte.
- 2.15. Në ndërrimin e inspektuar, ekipet patrulluese kanë pasur disa plane operative në zbatim, gjë që e dëshmojnë edhe orari i patrullimit dhe fletë patrullat.
- 2.16. Rastet me Shënim zyrtar janë trajtuar sipas standardit, por atyre u mungojnë raportet fillestare. Mostrat e Shënimeve zyrtare janë të regjistruara në SIPK.

3. Parandalimi dhe hetimi i krimit:

- 3.1. Ka pasur aktivitet të bujshëm policor gjatë dy viteve në zbatim të Strategjisë për Policimin në Bashkësi dhe lidhur me të mbahen evidenca.
- 3.2. Sa i përket informatave inteligjente, duke kuptuar rëndësinë e tyre, shtrohet nevoja për angazhim të vazhdueshëm policor, drejt sigurimit të një numri edhe më të madh të tyre.
- 3.3. Nga indikatorët e luftimit të krimit shihet se në dy vitet e fundit (2021/2022), zbulueshmëria e veprave penale nga Stacioni ka qenë në nivelin e mesatares së përgjithshme të stacioneve.
- 3.4. Raportimi i dyshimit të arsyeshëm lidhur me veprën penale në disa raste është praktikuar si raportim verbal nga hetuesit për Prokurorin. Kallëzimet penale të rastet e inspektuara janë proceduar me kohë në Prokurori, me disa vërejtje sa i përket respektimit të zinxhirit komandues lidhur me aprovimin dhe procedimin e tyre. Vlerësimi i rrezikut është bërë në të gjitha rastet, por nuk është përdorur forma standarde bazuar në indikatorë përkatës të rrezikut. Viktimat në rastet e nevojshme iu kanë nënshtruar ekzaminimit mjekësor duke përmbushur të drejtën e tyre për ekzaminim. Rastet janë regjistruar në SIPK dhe SMIL. Formularët në kuadër të dosjeve penale nuk janë azhurnuar dhe harmonizuar me ndryshimet ligjore.
- 3.5. Kushtet teknike dhe të sigurisë brenda Dhomës së dëshmimeve duhet avancuar edhe më tutje.

- 3.6. Ka rezultate pozitive mbi mënyrën e ruajtjes dhe evidentimit të dëshmive, ku secila nga mostrat që është kontrolluar është trajtuar sipas PSO-së.
- 3.7. Format e kontrollit e mbikëqyrjes nga menaxhmenti në Dhomën e dëshmive janë të rralla dhe në të ardhmen duhet të zhvillohen edhe kontrole përmes inspektimit dhe të intensifikohen revizionet siç parashihet me PSO.

4. Kushtet teknike të punës dhe të sigurisë:

- 4.1. Stacioni ka një numër automjesh që plotëson nevojat operative, ku rreth $\frac{3}{4}$ e tyre kanë qenë në funksion. Moshë mesatare e kësaj flote është më e re se ajo e Flotës operative të Policisë, por me një gjendje më të rënduar sa i përket amortizimit.
- 4.2. Automjetet policore jo gjithëherë kontrollohen para përdorimit të tyre, kurse inspektimet nuk janë të rregullta dhe të planifikuara.
- 4.3. Megjithëse automjetet janë hasur të kontrolluara teknikisht dhe të siguruara, inspektorët nuk janë njohur me librezat e regjistrimit, për shkak se ato nuk iu janë ofruar stacionit në kopje nga Zyra e Regjistrimit dhe Sigurimit.
- 4.4. Fletë udhëtimet azhurnohen me kohë nga përdoruesit e tyre, me të dhënat e nevojshme.
- 4.5. Automjetet policore janë hasur të papastra, si brenda ashtu edhe jashtë, duke ofruar imazh jo të mirë tek qytetarët mbi këto asete policore.
- 4.6. Automjetet janë pajisur mirë me pajisje rezervë, me disa vërejtje aty këtu.
- 4.7. Sa i përket masave të sigurisë nga ana e personelit duhet ngritur vërejtje, kurse sa i përket pajisjeve, aparateve për fikjen e zjarrit u ka skaduar afati përdorues.
- 4.8. Kushtet brenda Qendrës së Ndalimit duhet adresuar urgjentisht, meqë disa prej tyre nuk plotësojnë kriteret fizike dhe të sigurisë.
- 4.9. Stacioni ka vështirësi sa i përket funksionimit të pajisjeve të zyrës (pajisjeve fotokopjuese), si rezultat i mirëmbajtjes jo të duhur të tyre nga kompania e kontraktuar dhe kjo po ka efekt negativ në aktivitetet ditore.
- 4.10. Inventarizimi i pasurive është kryer, listat e pasurive janë hasur në zyrë dhe të dhënat e tyre përputhen me prezencën fizike të pasurive.

Përmbledhja e rekomandimeve dhe Plani i Veprimit					
Nr.	Rekomandimi	Niveli i prioritetit	Komentet e strukturës policore ⁵⁶ (në origjinal)	Plani i veprimit	
1.	IPK-ja i rekomandon Drejtorisë së Logjistikës që të ndër marr hapa urgjent për furnizimin e zyrtarëve të Stacionit Policor të Malishevës, me uniforma policore dhe mbathje.	-I-	Bazuar në gjendjen faktike dhe kërkesat e zyrtarëve policor, Stacioni Policor i Malishevës ka bërë në vazhdimësi kërkesa për furnizime me uniformë dhe të njëjtën do ta ri-përsëris.	K-4 2023	
2.	Për arsye të sigurisë, IPK-ja i rekomandon Drejtorisë së Logjistikës që të përkujdeset në furnizimin e Stacionit me sprej dhe radio-lidhje.	-I-	Kërkesa e përsëritur do të përcillet përmes zinxhirit komandues.	K-4 2023	
3.	IPK-ja i rekomandon Komandantit të Stacionit, që në bashkëpunim me Drejtorinë Rajonale dhe Divizionin e Trajnimeve, të ndër marr hapa në përmbyllje të kuotës së orëve të planifikuar lidhur me trajnimet e brendshme.	-II-	Mbështetur në nevojat operative dhe angazhimet shtesë për shkak të situatës së sigurisë në vend, ka qenë e pamundur të plotësohet kuota e kërkuar. Do të vazhdohet me trajnime të brendshme sipas planit vjetor të trajnimeve.	K-1 2024	
4.	IPK-ja i rekomandon Komandantit të Stacionit, që në bashkëpunim me Drejtorinë Rajonale dhe Divizionin e Trajnimeve, të ndër marr hapa në drejtim të përfshirjes më të gjerë të zyrtarëve të uniformuar në programet e Ricertifkimit.	-II-	DRP- Gjakovë nuk posedon kushtet për mbajtjen e ricertifkimit në mungesë të poligonit dhe për këtë arsye numri i zyrtarëve të caktuar në ricertifkim varet nga hapësira që lejon DRP- Pejë dhe Prizren.	K-1 2024	
5.	IPK-ja i rekomandon Komandantit të Stacionit që në bashkëpunim me Drejtorinë Rajonale dhe Divizionin e Trajnimeve, të ndër marr hapa në drejtim të përfshirjes së zyrtarëve të Qendrës së Mbajtjes në kurse, apo trajnime përkatëse lidhur me fushën.	-II-	Stacioni Policor i Malishevës do të propozoj numër më të madh të zyrtarëve policor në trajnimet për qendrat e mbajtjes, me qëllim që të kemi një shpërndarje më të madhe në kuadër të ekipeve.	K-1 2024	
6.	IPK-ja i rekomandon Zyrtarit të Operativës që përkujdeset për dosjet e kundërvajtjeve, që krahas aplikimit të regjistrimit në sistemin elektronik të lëndëve me konfiskim të patentë shoferëve me masë mbrojtëse dhe pikë negative (SIPK), të filloj edhe me mbajtjen e evidencës fizike për kundërvajtësit, siç përcaktohet me Udhëzimin Administrativ (MPB) nr. 05/2023 për Procedurat e Kundërvajtjes (në nenin 23 lidhur me dokumentacionin dhe evidencat).	-I-	Menaxhmenti i Stacionit Policor të Malishevës do të sigurohet që me prioritet të trajtohet ky rekomandim, me qëllim që evidencat e nevojshme të jenë në pajtim të plotë me të dhënat e përfshira në sistem elektronik.	K-1 2024	
7.	IPK-ja i rekomandon Komandantit të Stacionit dhe Shefit të Operativës që të ushtrojnë kontrolle mbi njësinë përkatëse për Ndërlidhje me	-I-	Ky rekomandim do të trajtohet me prioritet dhe me zbatim të menjëhershëm, me qëllim evidentimin e të gjitha aktiviteteve	K-1 2024	

⁵⁶ Komentet e strukturës policore janë përmbajtje e tekstit autentik të saj dhe në to nuk ka pasur ndërhyrje. Komentet janë pranuar me shkrim pas takimit përmbyllës të datës 12.12.2023, të realizuar nga përfaqësues të Departamentit të Inspektimit të IPK-së dhe strukturës policore të inspektuar.

	Gjykata që për të gjitha veprimet policore në drejtim të ekzekutimit të urdhërësive, të mbahet evidencë e cila duhet dokumentuar brenda përmbajtjes së dosjes (të mbahen formularë të veçantë mbi vizitat tek personat e kërkuar).		dhe veprimeve të ndërmarra në drejtim të realizimit të urdhërësive.	
8.	IPK-ja i rekomandon Komandantit të Stacionit dhe Shefit të Operativës, që të analizojnë trendët dhe shkaqet e parashkrimit të urdhërësive të gjykatave, për t'u siguruar se Stacioni është duke bërë punën e duhur në drejtim të minimizimit të numrit të tyre. Po ashtu, të sigurohen se evidencat mbi urdhëresat janë të qëndrueshme dhe të besueshme.	-1-	Për shkak të një numri urdhërësash për shoqërim (në datë dhe kohë të caktuar), evidentimi i plotë i realizimit të urdhërësive hasë në vështirësi ngase të njëjtat nuk mund të adresohen në formularin standard të realizimit të urdhërësive. Në të ardhmen do të gjendet një modalitet i pranueshëm për evidentimin e këtyre urdhërësive.	K-1 2024
9.	IPK-ja i rekomandon Sektorit të Hetimeve që posa Policia të pranohet kërkesën për ndjekje penale nga pala e dëmtuar ose posa të njoftohet se një vepër penale e cila ndiqet sipas detyrës zyrtare është kryer, tentuar, është duke u kryer apo do të kryhet së shpejti, Policia është e detyruar që menjëherë të njoftojë Prokurorin e shtetit dhe t'i dorëzojë raport policor brenda 72 orëve (neni 71, paragrafi 6 i KPP-së).	-1-	Stacioni Policor i Malishevës e aplikon në tërësi parimin e njoftimit të prokurorit, brenda kohës së përcaktuar me ligj, madje në një afat edhe më të shkurtër kohor përmes postes elektronike si dhe duke u siguruar që një kopje e njoftimit të prokurorit të vendoset në dosje të lëndës.	K-4 2023
10.	IPK-ja i rekomandon Komandantit të Stacionit dhe Shefit të Hetimeve, që gjatë ushtrimit të kontrollit mbi lëndët para se ato të procedohen në Prokurorinë e Shtetit, të respektohet i tërë zinxhiri komandues përgjatë rrugëtimit të lëndëve (të respektohet hierarkia e kontrollit, në mënyrë që kallëzimet penale të kalojnë nga hetuesi i lëndës, tek mbikëqyrësi i vijës së parë dhe më pas tek Shefi i Sektorit të Hetimeve, konform Procedurës Standarde të Operimit-Procedimi i lëndëve dhe kompetencat lëndore të hetimit).	-1-	Edhe pse PSO mbi kompetencat lëndore e përcakton zinxhirin komandues të nënshkrimit të lëndëve, Komandanti i Stacionit Policor të Malishevës, me qëllim ushtrimin e një forme kontrolli dhe mbikëqyrje të shtuar, ka kontrolluar dhe nënshkruar të gjitha lëndët. Është prioritet i lartë i stafit menaxhues për respektimin e PSO-ve dhe normativës tjetër ligjore, andaj kjo procedurë do të fillojë së aplikuari me përpikëri.	K-4 2023
11.	IPK-ja i rekomandon Komandantit të Stacionit që në Dhomën e dëshmive të ushtrohen dhe intensifikohen kontrole të brendshme përmes revizioneve dhe inspektiveve të pa paralajmëruara, drejt administrimit të duhur të dëshmive dhe Dhomës ku ruhen ato.	-1-	Menaxhmenti i Stacionit Policor të Malishevës, në bashkëpunim me DRP-Gjakovë do të ushtroj kontrole të shtuar me qëllim respektimin e PSO mbi inventarizimin dhe inspektimin e dhomës së dëshmive.	K-1 2024
12.	IPK-ja i rekomandon Komandantit të Stacionit dhe Shefit të Resurseve, që të ushtrojnë kontrole mbi përdoruesit e automjeteve, për t'u	-1-	Menaxhmenti i Stacionit Policor të Malishevës do të ushtroj kontrole të shtuar lidhur me këtë rekomandim.	K-4 2023

	<i>siguruar se ato kontrollohen para përdorimit.</i>			
13.	<i>IPK-ja i rekomandon Drejtorit të Departamentit të Shërbimeve Mbështetëse, që të sigurojë shërbimet e pastrimit të automjeteve për Stacionin Policor të Malishevës.</i>	-1-	<i>Stacioni Policor i Malishevës ka bërë në vazhdimësi kërkesa për shërbime të pastrimit të automjeteve dhe të njëjtën do ta ri-përsëris.</i>	<i>K-4 2023</i>
14.	<i>IPK-ja i rekomandon Komandantit të Stacionit, që në koordinim me shërbimet mbështetëse të Policisë (Drejtorinë e Menaxhimit të Objekteve), të adresojnë çështjen e lagështisë, lavamanëve, ndriçimit dhe higjienës brenda Qendrës së Ndalimit.</i>	-1-	<i>Bazuar në gjendjen faktike Stacioni Policor i Malishevës ka bërë në vazhdimësi kërkesa për renovimin e Qendrës së mbajtjes dhe të njëjtën do ta ri-përsëris.</i>	<i>K-4 2023</i>
15.	<i>IPK-ja i rekomandon Komandantit të Stacionit, që në koordinim me Drejtorinë e Menaxhimit të Objekteve, të sigurojnë shërbimet e kontraktuara për mbushjen e pajisjeve kundër zjarrit, për të siguar se pajisjet e tilla janë në gjendje funksionale në rast fatkeqësish.</i>	-1-	<i>Bazuar në gjendjen faktike, Stacioni Policor i Malishevës ka bërë në vazhdimësi kërkesa për pajisjet kundër zjarrit dhe të njëjtën do ta ri-përsëris.</i>	<i>K-4 2023</i>
16.	<i>IPK-ja i rekomandon Udhëheqësit të Departamentit të Shërbimeve Mbështetëse, që të adresojë problemet e Stacionit Policor të Malishevës lidhur me vështirësitë teknike në funksionimin e duhur të pajisjeve të kontraktuara (fotokopjeve).</i>	-1-	<i>Bazuar në gjendjen faktike dhe kërkesave, Stacioni Policor i Malishevës ka bërë në vazhdimësi kërkesa për funksionalizimin e Fotokopjeve/printerëve dhe të njëjtën do ta ri-përsëris.</i>	<i>K-4 2023</i>

Shtojca

Kategoria	Burimet e planifikuara (28.02.2019)	Gjendja me burime (më 31.12.2022)	Burimet sipas LPA-së (24.03.2023)	Gjendja me burime (më 30.10.2023)
Personel i uniformuar	65	63 (-2)	59	61 (+2)
Shërbyes civil	14	12 (-2)	12	11 (-1)
Gjithsej	79	75 (-4)	71	72 (+1)

Treguesi (indikatori)	Matjet për stacione (2022)	Matjet për Malishevë (2022)	Matjet për Malishevë (2023)
Numri i mostrave	15.105	167	111
Koha e përgjithshme e reagimit policor	13.76	13.7	14.8
Koha e reagimit në zonë urbane	11.62	7.97	9.5
Koha e reagimit në zonë rurale	20.79	17.18	18.3
Raporti në % ndërmjet reagimit me kohë/të shtyrë	80/20	91/9	92/8

Treguesi (indikatori)	Viti 2021	Viti 2022
Kuota e realizimit të urdhërësive në raport me stacionet tjera	75.1% (72.7%)	63.2% (75.4%)
Kuota e parashkrimit të urdhërësive në raport me stacione tjera	9.9% (10%)	24.2% (3.4%)
Kuota e urdhërësive të mbetura në raport me stacionet tjera	15% (17.8%)	12.5% (21.1%)
Ngarkesa e policëve me urdhëresa në raport me stacionet tjera	9.6 (8.1)	11.1 (7.4)
Efektiviteti në realizimin e urdhërësive në raport me stacionet	7.2 (5.9)	7.0 (5.6)
Kuota e realizimit të urdhërësive për polic	75% (72.8%)	63% (75.7%)

Treguesi (indikatori)	2021	2022
Numri i patrullimeve në këmbë	1.137	952
Mesatarja e patrullimeve në raport me mesataren e përgjithshme (për ditë)	3.1 (4.3)	2.6 (4.3)
Numri i patrullimeve me automjet	2.725	2.511
Mesatarja e patrullimeve në raport me mesataren e përgjithshme (për ditë)	7.5 (6.1)	6.9 (6.9)
Numri i pikave të kontrollit	4.564	3.974
Mesatarja e pikave në raport me mesataren e përgjithshme (për ditë)	12.5 (7.7)	10.9 (7.5)
Numri i gjobave të shqiptuara	6.811	8.480
Mesatarja e gjobave në raport me mesataren e përgjithshme (për ditë)	18.7 (15.5)	23.2 (21)
Mesatarja e gjobave për polic në raport me mesataren e përgjithshme (për vit)	93.3 (64.2)	134.6 (97.9)

Indikatorët e performancës	2021	2022
Numri i veprave penale	424	452
% e zbulueshmërisë së stacionit në raport me mesataren për stacione	58.9 (61.3)	66.2 (63.4)